

## John wenazhu xègoèht'ì

### *Yati t'akwelòò xàyaeti*

<sup>1</sup> Zezi-Kri edecheekeè ayì ghàgùdà agòòlàa sù dū enìht'è k'e dek'eèht'è họt'e. Nòhtsì-Gotà ìdaà dàgode ha sù wegodi Zezi ghàìzọ họt'e. Zezi wecheekeè dū godi gik'èezọ ha t'à, edeyak'eet'ì John ts'ò ayìlà.

<sup>2</sup> John t'asì hazọọ yaɔ̀ sù yeghọ goɔ̀de. Nòhtsì weyatì eyits'ọ Zezi wegodi ghọ goɔ̀de.

<sup>3</sup> Dū godi ìdaà dàgode ha sù weghọ họt'e. Amì dū godi k'eyahtì sù wexè sìghà họt'e. Eyits'ọ amì yìkw'o xè wegaha ehkw'ì-ahodi sù wexè sìghà họt'e. Ìdaà dàgode ha sù hòt'a wets'ọ hawe họt'e.

### *Weghàsọts'eedi*

<sup>4</sup> John, Asia nèk'e kòta lòhdì yàgòlaa Nòhtsì wecheekeè nàgedèe sù dū godi gots'ọ ìt'è:

Nòhtsì whaà gots'ọ wehòhzọ, dū wehòhzọ, eyits'ọ welọ while ts'ọ wehòhzọ ha sù, eyits'ọ ìnì degai lòhdì Nòhtsì wenadaà nàgèehza sù naxìxè sọgùwọ welè eyits'ọ naxìxè sìghà hòzọọ agule.

<sup>5</sup> Eyits'ọ Zezi-Kri naxìxè sọnìwọ welè eyits'ọ naxìxè sìghà hòzọ welè. Ededì sù t'aats'ọ ehkw'ì gode họt'e. Ededì t'akwelòò naidàa elì eyits'ọ dū nèk'e k'àowochò hazọọ gogha k'àowodeè elì họt'e.

Goghòneètọ ts'ìhzọ wedòò xàit'ì t'à gohòhì goghọ nahoazhaà ayìlà họt'e.

<sup>6</sup> Wetà Nòhtsì gha eghàlats'eeda ha t'à, dọ ìhè lats'ìt'e xè yahtì ts'ìlì agòòlà. Zezi-Kri

weghàsòts'eedi eyits'ò welò while ts'ò k'àowocho nàtso welè! Amen.

<sup>7</sup> Ìdòò k'eaht'ì, k'oh k'e gots'ò nùttà ha. Dò hazòò gezi ha. Dò behkà t'à gighaìhkoo sù ededì kò gezi ha. Eyits'ò dù nèk'e dò hazòò wets'ihzò geeji xè getse ha. Hanì hòzò welè! Amen.

<sup>8</sup> Gots'ò K'àowo Nòhtsi dù hadì họt'e: “Yati t'akwelòò whezòò aht'e eyits'ò yati nòòde whezòò aht'e. Whaà gots'ò sehòhzò, dù sehòhzò, eyits'ò welò while ts'ò sehòhzò ha. T'asì wùzì segha dù gòhì nùle,” gots'ò hadì.

### *Dò wet'àazàa deè*

<sup>9</sup> Sù sù nèot'ì John aht'e. Naxìxèht'eè Zezi wedaxà ts'èwhì daehza, eyits'ò naxìxèht'eè Nòhtsi wenàowoò k'èè ehda. Nòhtsi weyati eyits'ò Zezi wegodi t'à gohde ts'ihzò dù dzèè k'e dì Patmos gòyeh k'e whìhda họt'e.

<sup>10</sup> Nòhtsi Dzèè k'e Yedàyeh Nezi sets'ò ajà. Ìdè sechìht'a dechìshì t'à hòtl'ò gots'edeè lagodi,

<sup>11</sup> dù hats'edi họt'e: “Nenazhu dàgot'ù sù enìht'è k'e dek'enìht'è gà kòta lòhdì Nòhtsi wecheekeè nàgedèè sù gits'ò anele. Dù kòta lòhdì họt'e: Ephesus, Smyrna, Pergamum, Thiyatira, Sardis, Philadelphia eyits'ò Laodisiya,” hats'edi họt'e.

<sup>12</sup> Amì sets'ò godee sù wets'ò ets'aèhtà ekò ek'aèk'òchì lòhdì sòmba-dekwo t'à hòlù weyì tìh dèk'òò nàwheza nòò. <sup>13</sup> Ek'aèk'òchì weni dò nàwo, “dò wet'àazàa deè” lanì wègaat'ì. ?eh nedèè wekè ts'ò hàhdo yì wheda, eyits'ò zèht'ì sòmbaekwo lanì wedziwì te nawhet'ì.

14 Wekwì eyits'ò wekwìghà nahzha degoo lanì, hotù zhah lanì, eyits'ò wedaà kò dèk'òò lanì wègaat'ì.

15 Kò dèk'òò nì wekè satsò dekwoo wek'e saɪɪ lanì wègaat'ì. Gode nɪdè tì nàɪɪ lagodì.

16 Nàgòts'ehnèè ts'ò edilà t'à whò lòhdì dayele, eyits'ò wewà gots'ò behcho wek'à ɲa-ts'ò dèni xàɪɪa. Wini sadeè nàtsoo lanì wègaat'ì.

17 Weehɪ ekò wekè gà nàehkw'o, dɔ ɛɪɪwo lahjà. Nàgòts'ehnèè ts'ò edilà sek'e ayɪlà, hadì, “Dɪɪɪ-le. Sɪ sù yatì t'akwèlòò wheɪɔɔ eyits'ò yatì nɔɔde wheɪɔɔ aht'e.

18 Sɪ sù ehda hɔt'e. ɛɪɪhwho ɲè hanikò dù welò whìle ts'ò ehda hɔt'e. Dɔ ɛɪɪdèè nèk'e gha ladli k'èhdi.

19 “Eyit'à ayì ghàɪdaa sù dek'enìt'è. Dù dàgode ha eyits'ò ɪdaà dàgode ha sù dek'enìt'è.

20 Whò lòhdì nàgòts'ehnèè selat'aa whelaa eyits'ò ek'aèk'òchɪ lòhdì sɔm̄baekwo t'à hòèlɪ sù dù awèts'edi hɔt'e: Whò lòhdì sù kòta lòhdì Nòhtsɪ wecheekeè nàgedèè sù gɪyak'eet'ɪ gha hɔt'e, eyits'ò ek'aèk'òchɪ lòhdì sù kòta lòhdì Nòhtsɪ wecheekeè nàgedèè sù gha hɔt'e.

## 2

### *Kòta Ephesus Nòhtsɪ wecheekeè gits'ò aat'è*

1 “Kòta Ephesus Nòhtsɪ wecheekeè nàgedèè sù dù yatì gits'ò yak'eet'ɪ ts'ò ɲt'è:

“Ededɪ nàgòts'ehnèè whò lòhdì welat'aa whela xè ek'aèk'òchɪ lòhdì ta k'etloo sù dù weyatù hɔt'e:

2 “Dànì aahdaa sù naxik'èehsɔ hɔt'e. Segha hòt'ò eghàlaahda eyits'ò hòila kò seghò naxinì

nàtso wek'èehsò họt'e. Dọ hoḥḥ k'èè geedaa sù gịxè aah't'ı-le naxık'èehsò. Eyits'ọ dọ hogets'ı t'à Nòhtsı wecheekeèdeè ats'ḥt'e gedı sù gıahdzà t'à ehkw'ı agedı-le gıgòah?ọ họt'e.

<sup>3</sup> Sıızì ts'ıh?ò sù naxıgha hoıla, hanikò ḥaà segha naxını nàtsoo xè seghọ nàhtsò? aahjà-le.

<sup>4</sup> “Hanikò t'ası ḥè naxık'e nıdahoeh?à: T'akwełò? dani seghoniahtọ k'èè seghoniahtọ-le aahjà.

<sup>5</sup> Dagqowà dahkw'e ḥè wenaahdi, hanikò eyı gots'ọ hodaaahde họt'e. Edek'eahḥ xè t'akwełò? dani eghalaahda ḥèè sù ts'ò anaahde. Edek'eahḥ-le nıdè naxıts'ọ ehtla gà naxıts'ọ k'aak'ọchı naxıghọ neehchi ha.

<sup>6</sup> Hanikò t'ası ḥè segha nezı aah't'ı: Nıcolaitan gıḥḥ dàget'ḥ sù wedzaahwhọ họt'e, sı sı eyı wedzaehwhọ họt'e.

<sup>7</sup> “Amı wedzi gòhḥ sù Yedayeh Nezı Nòhtsı wecheekeè dàgòhdı sù gıkw'o welè. T'aa hoḥḥ ghọ hoehnèè sù ts'ı wet'à ts'eedaa gots'ọ shètı awehle ha. Eyı ts'ı sù Nòhtsı wets'ọ hoızı-nèk'e nàı?a họt'e.

### *Kòta Smyrna Nòhtsı wecheekeè gıts'ọ aat'è*

<sup>8</sup> “Kòta Smyrna Nòhtsı wecheekeè nàgedèè sù dı yatı gıts'ọ yak'eet'ḥ ts'ò ḥt'è:

“Dı yatı sù amı t'akwełò? elı eyıts'ọ nọde elı sù weyatı họt'e. Ełıwo ḥè eyıts'ọ k'achı nàidà họt'e.

<sup>9</sup> Dani naxıxè hoıla xè eteaht'ḥ sù naxık'èehsò, hanikò dọ ahxee aahḥ họt'e! Dọ xàè Israel got'ḥ ats'ḥt'e gedı sù naxıızı jı gehtsı wek'èehsò. Hanikò

xàè Israel got'ìì agùt'e nùile, wehùù wecheekeè agùt'e.

10 Whaà-le-t'ìì ayìì t'à daahza ha sìì weghò dahjì-le. Ehkw'ì anaxèehsì, wehùù naxeèhdzà ha nìwò t'à dọ-danìlāa-kò ts'ò anaxele ha họt'e. Hoònò dzeè ts'ò danaxegùhza ha. Naxìweè hogehtsì kò naxìnì nàtsoò aahle. Wek'èxa welò while ts'ò ts'eedaa naxìghàehzà ha.

11 “Amìì wedzìì gòhùù sìì Yedayeh Nezu Nòhtsì wecheekeè dàgòhdù sìì gùkw'o weli. T'aa hòhù ghòehnèè sìì nàekeè t'à ełàats'ewù sìì t'à dàzà ha-le.

### *Kòta Pergamum Nòhtsì wecheekeè gùts'ò aatl'è*

12 “Kòta Pergamum Nòhtsì wecheekeè nàgedèè sìì dù yatì gùts'ò yak'eet'ìì ts'ò ùt'è:

“Ededù behcho wek'à ìlā-ts'ò dènu wets'ò sìì eyì weyatì họt'e.

13 Edìì nàahdèè sìì wek'èehsò; edìì wehùù wedaèhchìcho whetò eyìts'ò edìì nàdèè sìì ekò nàahdè họt'e. Hanìkò ìlāà naxìgha ehkw'ì-ahodì. Sek'èahsò-le dahdì nùile. Secheekeè Antipas t'aats'òò segha gode elù ìlèè sìì wenaahdì. Naxìkòta ełàawìgwo kò ìlāà seghò naxìnì nàtso ìlè.

14 “Hanìkò t'asìì mòhdaa naxìk'e nìdahòehzà ha: Naxìnì dọ mòhdaa Balaam wenàowoò k'èè dọ hoghàgògeehtò. Eyì dọ sìì Israel got'ìì hòhù hogehtsì gha k'àowo Balak hoghàehtò ìlè. T'asìì nòhtsìà hòèlù ghàgeedù sìì gedè agohzì, eyìts'ò edezhì t'à hòhù k'alagedè agohzì.

15 Eyìts'ò naxìnì dọ mòhdaa Nìcolaitan gùlù gùnàowoò gìgha ehkw'ì-ahodì.

16 Eyit'à edek'eahh! Edek'eahh-le nɔ̀dè whaà-le-t'ì naxits'ò ehtla gà behcho sewà xàɪza t'à nàgeehl'ì ha.

17 “Amì wedzì gòhù sù Yedàyeh Nezi Nòhtsì wecheekeè dàgòhdu sù gùkw'o weli. T'aa hòhù ghòehnèè sù ‘Manna’ dezi whezòò sù weghàehdi ha. Eyits'ò kwe degoo k'e wuzì gòò dek'eèht'èè sù weghàehzà ha. Amì eyi weghòt'òò sù ededi zò yek'èezò ha.

### *Kòta Thiyatira Nòhtsì wecheekeè gits'ò aat'è*

18 “Kòta Thiyatira Nòhtsì wecheekeè nàgedèè sù du yatì gits'ò yak'eet'ù ts'ò ùt'è:

“Du yatì sù Nòhtsì Weza weyatì hòt'e. Ededi sù wedaà kò dèk'òò lanì eyits'ò wekè satsò dek-woo wek'e saɪdi lanì hòt'e.

19 Dànì aahdaa sù naxik'èehsò. Ełghoniatò xè naxigha ehkw'ì-ahodi hòt'e. Ełets'àdaahdi eyits'ò hoila kò naxinì nàtso hòt'e. Eyits'ò t'akwełòò secheekeè whahù nahk'e hanì eghàlaahda hòt'e.

20 “Hanikò t'asì ìlè naxik'e nìdahoezà: Eyì ts'èko Jezebel nakwenàòzòò edèedi sù nàweahzò nùle. Secheekeè hoghàgoehtò t'à ts'ìzò geède, edezhì t'à hòhù k'alagedè eyits'ò t'asì nòhtsìà hòèlù ghàgeedi sù gedè agohzì.

21 Eyì ts'èko hòhù nàowò k'èè eghàlaadaa sù edek'eelì ha weghàhòehzò ìlè, hanikò hanìwò-le.

22 Eyit'à tàda t'à eyaelù awehè ha, eyits'ò amì yexè hòhù hogehtsù sù eyì ts'èko wenàowò ghò edek'egulì lenòsu hòt'ò dagùzàà agehè ha.

23 Ts'èko wecheekeè hazòò ełàagehde ha. Hanì-ɪdè Nòhtsì wecheekeè hazòò dòdzeè yì eyits'ò dònì

yì k'eeht'ì aht'e sek'ègeezò ha. Eyits'ò naxìhoḥì k'èxa naxìk'eehkwa họt'e sek'ègeezò ha.

24 Nòhtsì wecheekeè eyì-le kòta Thiyatira nàgedèe sù gìts'ò yatì nèehzà ha. Eyì ts'èko wek'èè eghàlaahda-le eyits'ò wehḥì wenàowoò weghàdeahṭò-le. Dò mòhdaa eyì nàowo gìgha wet'àazà t'à dò gìghàdeetò ha gḥwò. Naxì eyì nàowo dahwhò-le sù dḥ yatì naxìghàehzò, (wezòò t'asì naxìgha dezḥì sù ts'ò naxeehza ha-le):

25 Naxits'ò nèehtlà gots'ò seghò naxìni nàtsoo sù hotì wek'èahdì.

26 “T'aa hoḥì ghòehnèe eyits'ò nòode ts'ò sek'èè edaa sù dò hazòò xàzaa ts'ò k'àowoò awehḥe ha.

27 “Ededì sù satsò-geh t'à gìgha k'àowocho nàtsoo elì ha, nàgoèht'ì xè kwetò yetaezhì lagole ha.’ Setà ededahxà k'àowo ehḥì asìlà lanì, ededì sù sedahxà k'àowo elì awehḥe ha.

28 “Eyits'ò whò-k'eàhkaa weghàehzà ha.

29 Amì wedziù gòhḥì sù Yedayeh Neziù Nòhtsì wecheekeè dàgòhdḥ sù gḥkw'o welè.

### 3

#### *Kòta Sardis Nòhtsì wecheekeè gìts'ò aat'è*

1 “Kòta Sardis Nòhtsì wecheekeè nàgedèe sù dḥ yatì gìts'ò yak'eeht'ì ts'ò ḥt'è:

“Ededì Nòhtsì wets'ò ḥnì degai lòhdì eyits'ò whò lòhdì welat'aa whelaa sù dḥ weyatì họt'e: Dànì aahdaa sù wek'èehsò, dò nezì aahda nax-egḥwhò hanikò dò eḥàdèe laah't'e.

2 Ts'iahdè! Ayì naxìghò eḥàwì ha nìkw'oo sù nàtsoò aahḥe. Nòhtsì wek'èè degḥàà eghàlaahda nìle wek'èehsò.

<sup>3</sup> Eyit'à ayì naxìghòt'òò eyits'ò ayì ààhk'oo sù wenaahdì. Eyì yatì wek'èaht'e xè edek'eahì. Ts'iahdè-le nìdè eezì-dòò lanì naxìnaàhtò naxits'àhtlà ha. Ayì sadzeè k'e naxits'àhtlà ha sù wek'èahsò ha nùle.

<sup>4</sup> “Hanìkò dò lò-lea kòta Sardis nàgedèe sù hoìì t'à edegoht'òò tsìgìhwho-le. Edegha hogeèhnò ne t'à goht'ò degoo t'à-aget'ì xè sexè k'egedè ha.

<sup>5</sup> T'aa hoìì ghòehnèe sù eyì lanì goht'ò degoo yì geèhk'w'e ha. Nìht'è k'e dò welò while ts'ò geeda gha guzì dek'eèht'èe sù gots'ò guzì ejinahwha ha-le, hanìkò Setà wenadaà eyits'ò yak'eet'ìì gìnadaà eyì dò wek'èehsò dehsì ha.

<sup>6</sup> Amìì wedzìì ghòhìì sù Yedàyeh Nezìì Nòhtsì wecheekeè dàgòhdì sù gùkw'o welè.

### *Kòta Philadelphia Nòhtsì wecheekeè gùts'ò aat'è*

<sup>7</sup> “Kòta Philadelphia Nòhtsì wecheekeè nàgedèe sù dù yatì gùts'ò yak'eet'ìì ts'ò ìt'è:

“Edeđì degaì xè ehkw'ì elì sù dù weyatì họt'e. Edeđì sù k'àowochò Davìd weladlì k'èdì elì họt'e. Ayì ts'òdaà xàedee sù dò wùzì yedaede ha dìì họt'e, eyits'ò ayì yedaedee sù dò wùzì yets'òdaà xàede ha dìì họt'e.

<sup>8</sup> Dànì eghàlahdaa sù wek'èehsò. Ààhk'ò, naxìnaadaà enìxàtò ahlà eyits'ò dò wùzì enìyeechì ha dìì. Nàahtso-le naxìk'èehsò, hanìkò seyatì k'èahdì họt'e eyits'ò sek'èahsò-le dahdì nùle.

<sup>9</sup> Eyì dò wehìì wecheekeè agùt'ee sù naxìnaadaà nàgògehè agehè ha. Naxìghònehtò họt'e gùk'èezòò agehè ha. Israel got'ìì agùt'e-le kò xàè 'Israel got'ìì ats'ìt'e' gedì t'à hogets'ìì-dòò agùt'e.



10 Senàowoò k'èahdi eyits'ò ts'èwhù daahza t'à hazòò dũ nèk'e dọ xè hoila agode ha sù ch'à naxik'èhdi ha. Dũ nèk'e dọ hazòò nàdèe sù hoila t'à geèdzà ha.

11 “Whaà-le-t'ii naxits'ò ehtla ha. Seghò naxini nàtsoo sù hoti wek'èahdi, hanì-ìdè edegha t'asì deahnòò sù dọ wùzì naxighò neyüwa ha-le.

12 T'aa hoü ghòehnèe sù Nòhtsìkò-gocho goyü kwe nàtsoo nàzà elü awehè xè t'aats'òò ekò wehòhòò ha. Nòhtsì wùzì eyits'ò Nòhtsì wekògodeè wùzì wek'e dek'eèhtl'è ha. Eyì kògodeè wegòò sù Jerusalem wiyeh; Nòhtsì yak'e gots'ò jzhü adeè ayele ha. T'aa wini nàtsoo sù süzì wegòò wek'e dek'enèehtl'è ha.

13 Amì wedzì gòhü sù Yedàyeh Nezü Nòhtsì wecheekè dàgòhdü sù giikw'o welè.

### *Kòta Laodisya Nòhtsì wecheekè gits'ò aatl'è*

14 “Kòta Laodisya Nòhtsì wecheekè nàgedèe sù dũ yatì gits'ò yak'eet'ü ts'ò üt'è:

“Ededì ‘Amen’ wiyeh, t'aats'òò ehkw'ì gode eyits'ò Nòhtsì t'asì hazòò whehtsì ts'ò K'àowo elü sù dũ weyatü hót'e.

15 Dànì eghàlahdaa sù wek'èehsò, segha whék'òo eyits'ò whékòò laaht'e-le. Eyì nàke sù jhè ààhchì nùdè dehwhò.

16 Eyit'à segha tì whékòò eyits'ò tì whék'òo laaht'e-le. Ekì tì yaazea whékòò laaht'e t'à sewà gots'ò xànaxehsè ha.

17 ‘Ahxee ats'üt'e,’ edèahdi, ‘T'asì lò gots'ò t'à t'asì wets'üwò gòhü-le,’ dahdi, hanìkò naxixè gots'èedi, eteaht'ì, naxidaà goile xè goht'ò dè dahkw'e hót'e, wek'èahsò-le nì?

18 Sòòmbaekwo kò-dèk'òò t'à wedeèdlù adlâa sù seghò nàahdi nùdè ahxee aahhì ha. Goh't'ò degoo seghò nàahdi, hani-ìdè goht'ò de edeghò ùzhaahhì ha-le, eyits'ò godaàtleè seghò nàahdi, hani-ìdè k'eaht'ì ha.

19 “T'aa gìghòneehtòò sù hoùù hogehtsì nùdè nàgeeh'ò xè nezù geeda gha hoghàgeehtò họt'e. Eyit'à ehkw'ì nàniahdè xè edek'eahhì.

20 Jò tùdà nàhwho xè enìtò ts'aht'ì; amì sùkw'o t'à sets'ò enìxàechì nùdè wegà goyaehtlà gà wexè shèhtì ha, eyits'ò ededì sù sexè shètì ha.

21 “T'aa hoùù ghòehnèe sù sedaèhchìcho k'e segà whedaà awehìe ha. Sù hoùù ghòèhnò t'à Setà wedaèhchìcho k'e wegà whìhdaà asiùdlà họt'e.

22 Amì wedzì gòhùù sù Yedayeh Nezu Nòhtsì wecheekè dàgòhdu sù gùkw'o welè.”

## 4

### *Yak'e daèhchìcho whetò*

1 Eyì t'axòò ìdòò k'eeht'ì là senadaà yak'e enìtò enìxàìke. Amì t'akwelòò sets'ò gode ùlèe sù dechìshì dedì lanì k'achì sets'ò gode, hadì, “Ìdaà dàgode ha sù weghàìdaà anehìe ha t'à, jò ts'ò dekùtlà,” sèhdi.

2 Ekòet'ì Nòhtsì wets'ò Ìnì Degai sexèhdì t'à senadaà yak'e daèhchìcho whetòò eyits'ò wek'e ts'edaa sega wègoèht'ì.

3 Eyì daèhchìcho k'e whedaa sù sòòmbakweè lanì wek'e saìdì. Daèhchìcho wemòò k'àlemì nàwhet'ì. Eyì k'àlemì sù kwe ìt'ò wèdaat'ù lanì wek'e saìdì.

4 Eyɪ daèhchɪcho wemqò daèhchɪcho naènq-daats'ò-dɪ whela. Qhdah naènq-daats'ò-dɪ gɪk'e dèhkw'e. Goht'ò degoo yì geèhkw'e eyɪts'ò sqòmbaekwo kwìt'ì gɪk'e whela.

5 Daèhchɪcho whetqò gots'ò kò nait'ɪ, eezhɪ dèekw'ò xè hqtsaa eezhɪ xèeta lagodɪ. Daèhchɪcho wenadaà tlèèk'òq lòhdɪ wekò nàtsoo wègaat'ɪ; eyɪ sɪ Nòhtsɪ wets'ò ɪnì lòhdɪ agɪt'e.

6 Eyɪts'ò daèhchɪcho wenadaà tɪ nechàa lanɪ whehtqò wègaat'ɪ, eja lanì wenɪdàà xègaat'ɪ.

Eyɪ tanɪ daèhchɪcho whehtqò wemqò t'asɪ dɪ godɪ dèhkw'e, gɪdàà lq gɪk'e whela; gɪwèdzq gɪdàà whela eyɪts'ò gɪchɪht'a sɪ gɪdàà whela.

7 Eyɪ t'asɪ godɪ t'akwelòq sɪ gojɪnɪcho lanì wègaat'ɪ, yek'èè whedaa sɪ ejie lanì wègaat'ɪ, tai t'à whedaa sɪ dq winì lanì wègaat'ɪ, eyɪts'ò dɪ t'à whedaa sɪ det'òcho naat'aa lanì wègaat'ɪ.

8 Eyɪ t'asɪ dɪ godɪ sɪ gɪts'òq ek'ètai gòhɪ eyɪts'ò hazqò ts'ò gɪdàà gɪk'e whela, gɪts'òq wet'ɪa kò gɪdàà whela. Dzeè, toò ehk'èè dɪ hagedɪ:

“Gots'ò K'àowo t'asɪ wegħa dɪ-le sɪ degaɪ, degaɪ, degaɪ zq hq't'e.

Nòhtsɪ hq't'e; whaà gots'ò wehòhɪzq, dɪ wehòhɪzq, eyɪts'ò welq while ts'ò wehòhɪzq ha hq't'e,” t'aats'òq hagedɪ.

9 Eyɪt'à eyɪ t'asɪ dɪ godɪ sɪ amɪ daèhchɪcho k'e whedaa, welq while ts'ò wehòhɪzq sɪ gɪghàsqedɪ xè masɪ gɪhdɪ. Haget'ɪ taat'eè,

10 qhdah naènq-daats'ò-dɪ sɪ eyɪ daèhchɪcho k'e whedaa ts'ò nàgògehge eyɪts'ò welq while ts'ò wehòhɪzq sɪ ghàsqeedɪ. Edets'ò sqòmbaekwo kwìt'ì eyɪ daèhchɪcho nadaà nègewa xè hagedɪ,

11 “Gots'ò K'àowo Gonòhtsɪ,  
 t'asì hazòò wheęhtsɪ ne t'à enìyah xè  
 neghàsòts'eedi sù nɪ zò nets'ò hats'edi ha  
 họt'e eyits'ò t'asì hazòò ts'ò k'àwo welè.  
 Hanì welè neewò t'à t'asì hazòò hòèlɪ xè geeda  
 họt'e,” gedi.

## 5

### *Enìhtl'èyèè eyits'ò sahzòq*

<sup>1</sup> Eyì daèhchìcho k'e whedaa sù nàgòts'ehnnè  
 ts'ò enìhtl'èyèè dayeza. Eyì enìhtl'è jla-ts'ò wek'e  
 aatl'èè eyits'ò lòhdɪ ts'ò wedaàdzeh.

<sup>2</sup> Yak'eet'ɪ nàtsoo jè hòt'ò dɪ hadɪ, “Amì  
 eyì enìhtl'èyèè lòhdɪ ts'ò wedaàdzeh sù yets'òdaà  
 xàehdlà ha edegha hòèhnò?” hadɪ.

<sup>3</sup> Hanìkò yak'e, dɪ nèk'e eyits'ò dèè got'a ts'ò  
 t'asì godì wɪzì eyì enìhtl'èyèè yets'òdaà xàehdlà  
 gà yek'eyahtɪ ha gòhɪ-le.

<sup>4</sup> T'asì godì degai elɪ sù eyì enìhtl'èyèè ts'òdaà  
 xàehdlà gà yek'eyahtɪ ha sù goghà ha dɪ t'à, sù  
 ɪtsè.

<sup>5</sup> Eyit'à qhdah naènq-daats'ò-dɪ gots'ò jè sets'ò  
 hadɪ, “Netse-le. ‘Judah got'ɪ ts'ò gojìcho’ wìyeh sù  
 eyits'ò ‘David wets'ò ts'ìghòochì’ wìyeh sù hòèhnò  
 họt'e. Ededɪ sù eyì enìhtl'èyèè lòhdɪ ts'ò wedaàdzeh  
 sù yets'òdaà xàehdlà ha weghàhòt'ò họt'e,” sèhdì.

<sup>6</sup> Eyì t'axòò Sahzòq elààwìgwo lanì wègaat'ɪ, eyì  
 daèhchìcho gà tanì nàwo. Wemòò t'asì dɪ godì  
 eyits'ò qhdah naènq-daats'ò-dɪ nàgèehza. Eyì sahzòq  
 wek'e edè lòhdɪ gòhɪ eyits'ò wedaà lòhdɪ gòhɪ.  
 Eyì sù Nòhtsɪ wets'ò mì degai lòhdɪ dɪ nèk'e hazòò  
 ts'ò adlà sù agɪt'e.

7 Eyı sahzòą amı daèhchıcho k'e whedaa sı ts'ò ehtla gà eyı enıhtı'èyeè nàgòts'ehnéè ts'ò dayeɹaa sı neyıichı.

8 Sahzòą eyı enıhtı'èyeè neyıichı tı'axòò t'ası dı godı eyıts'ò ɸhdah naènɸ-daats'ò-dı sı gıts'ò nàgògıhgè. Hazòò tı'ık'eeɹı lanı k'egele eyıts'ò sòɸmbaekwo kw'àyıą weyı dzèh-łekòò dèk'òò dagıale. Eyı dzèh-łekòò dèk'òò sı Nòhtsı wets'ò dò degaı xáyageeti lanı hɸt'e.

9 Shı wegòò t'à dı hagedı geıı,

“Eyı enıhtı'èyeè nııchı gà wets'òdaà xàıhđlà ha neghàhòt'ò.

Èłààniğwo ıle eyıts'ò nedoò t'à Nòhtsı gha dò nàgıneèhđı.

Dò hazòò xàɹaa, yatı hazòò xàɹaa eyıts'ò dı nèè hazòò gots'ò agııt'e.

10 Dò ıle zò lagııt'e agınelà, Gonòhtsı gha eghàlageeda gha yahtı gıııı agınelà, eyıts'ò dı nèk'e k'àowocho gıııı ha,” hagedı geıı.

11 Eyı tı'axòò ıdòo k'eeht'ı ekò yak'eeɹ'ıı ıò geıı hɸt'e. Yak'eeɹ'ıı lemııyòò ıò t'à gıts'ıhtà ha dıı. Daèhchıcho, t'ası dı godı eyıts'ò ɸhdah naènɸ-daats'ò-dı gımòò yak'eeɹ'ıı ıò elèwhede.

12 Hòt'ò geıı, hagedı,

“Sahzòą èłııwo ıleè sı neııı weghàhòt'ò hɸt'e!

Edeđı sı t'ası hazòò gha K'àowocho welè, t'ası hazòò weghòzhe welè,

gòzòò weghàhòt'à welè, nàtsoò awedle, eyıts'ò enııyah xè weghàsòts'eedı welè!” hagedı geıı.

13 Eyɪ tʃ'axòè yak'e gots'ò, dɪ nèk'e gots'ò, dèè wetʃ'a gots'ò eyits'ò tɪ yì gots'ò, t'asì hazòè dɪ hagedù geɟɪ,

“Amì: daèhchìcho k'e whedaa eyits'ò eyɪ sahzòà sɪ enìyah xè gighàsòhoedɪ welè.

Welò while ts'ò t'asì hazòè ts'ò k'agewo welè!” hagedù geɟɪ.

14 T'asì dɪ godì sɪ “Amen,” gedɪ, eyits'ò ɔhdah naènɔ-daats'ò-dɪ nàgògùhgè gà eyɪ daèhchìcho k'e whedaa eyits'ò eyɪ sahzòà sɪ ghàsògeedɪ.

## 6

### *Enɪhtʃ'èyèè lòhdɪ ts'ò wedaàdzeh*

1 Sahzòà weghàehda ekò eyɪ enɪhtʃ'èyèè lòhdɪ ts'ò wedaàdzeh t'akwelòè whezòò sɪ nàyɪzhi. Eyɪ tʃ'axòè t'asì dɪ godì sɪ ìè eezhu ladù xàyahɪ, “Jò-ɪtɛ,” sèhdɪ.

2 Hòtsaa senadaà tɪcho degoo wègoèht'ì! Eyɪ tɪcho t'à-at'ɪ sɪ ìhtɪ daetɪ. Ededɪ sɪ sòmbaekwo kwìt'ù weghòt'ò eyits'ò eghòò-dòè hoehnè ha nàhòhoehwho lanì natɪyeèhchì.

3 Eyɪ tʃ'axòè sahzòà eyɪ enɪhtʃ'èyèè wedaàdzeh nàke t'à whezòò sɪ nàyɪzhi. K'achɪ t'asì dɪ godì sɪ wets'ò ìè hadɪ, “Jò-ɪtɛ,” sèhdɪ.

4 K'achɪ tɪcho ìè dek'o lanù wègoèht'ì. Eyɪ tɪcho t'à-at'ɪ sɪ dɪ nèk'e ts'èwhɪ hòzò-le ayele ha eyits'ò dɔ èlààfideè ayele ha weghàhòt'ò. Eyɪ gha behcho nechàa weghòt'ò.

5 Eyɪ tʃ'axòè sahzòà enɪhtʃ'èyèè wedaàdzeh taɪ t'à whezòò sɪ nàyɪzhi. K'achɪ t'asì dɪ godì sɪ wets'ò ìè hadɪ, “Jò-ɪtɛ,” sèhdɪ. Hòtsaa senadaà tɪcho

dezoq wègoèht'ì! Eyi t̄cho t'à-at'ù sù wet'à t'asù wedaeda yàitò.

6 Eyi t'asù d̄i godù sù gita ts'q d̄i hats'edi h̄ot'e, “È denahk'e dèti ha; lè nàke āhda el̄i sù j̄è dzeq̄ gots'àzeedi xètq̄ el̄i ha, eyits'q̄ lè ēlad̄i xàzaa ek'èta āhdaa el̄i sù j̄è dzeq̄ gots'àzeedi xètq̄ el̄i ha. Hanikò t̄eh eyits'q̄ j̄ietì s̄i wedihojts̄-le!” hats'edi h̄ot'e.

7 Eyi t̄'axq̄ sahzoq̄ eyi en̄iht'èyèè wedaàdzeh d̄i t'à whezoq̄ sù n̄ayuzhì. K'ach̄i t'asù d̄i godù sù wets'q̄ j̄è hadi, “Jq̄-ìt̄e,” sèhdì.

8 H̄otsaa senadaq̄ t̄cho diq̄a lanù wègoèht'ì! Eyi t̄cho t'à-at'ù sù “ēlaagòhde” w̄iyeh eyits'q̄ yek'èè et̄ee sù “d̄q̄ ēlad̄ee nèk'e” w̄iyeh. D̄i nèk'e tanì eyits'q̄ k'ach̄i tanì ts'q̄ d̄q̄ nàdèe sù ēlaagogh̄de ha ḡighòt'q̄. Mòhdaa behcho t'à ēlaagogh̄de ha, mòhdaa bò wh̄ile t'à, mòhdaa tàda nàtsoo t'à eyits'q̄ mòhdaa tits'aad̄i wets'àhoej̄i t'à ēlaagogh̄de ha.

9 Sahzoq̄ en̄iht'èyèè wedaàdzeh s̄ilài t'à whezoq̄ sù n̄ayuzhì. Kwe-lad̄a wek'e N̄òhts̄i ts'q̄ t'asù k'eeq'òq̄ sù wet'̄'a d̄q̄ gid̄aazh̄i wègoèht'ì. N̄òhts̄i weyat̄i k'èè geeda ts'ihz̄q̄ ēlaagogh̄hdèe aḡit'e.

10 Hòt'ò gezeh xè hagedi, “Gots'ò K'àowo, t'asù negha dii-le, n̄i sù degai xè ehkw'ì anet'e. D̄āwaà-ìdè d̄i nèk'e gots'q̄ d̄q̄ ḡis̄in̄yaneht̄i ha? Ēlaagogh̄hdè k'èxa dàht'e n̄idè n̄aḡuh̄kwa ha?” ged̄i yaḡizeh.

11 Eyi t̄'axq̄ hazq̄ zeh degoo nedèe ḡighòzha eyits'q̄ d̄i hagèts'edi, “Ìaà whaà hoòq̄ gots'ò naahz̄i ha. D̄anì ēlaanaxeḡih̄dèe sù eyi lanì, naxixèht'èè N̄òhts̄i wecheekè ḡij̄i sù mòhdaa ēlaagède ha. Hazq̄ ēlaagogh̄hdè t̄'axq̄ n̄idè ayi

k'enaahzì jìlèè sù wèk'èè agode ha,” gìts'edì họt'e.

<sup>12</sup> Eyì t'axòò sahzòà wèghàehda kò enìht'èyèè wets'òdaàdzeh ek'ètai t'à whezòò sù nàyìzhì. Hòtsaa dèè hòt'ò nàgoèhdò. Sa dezòò ajà, eyìts'ò adzèzah edoò lajà,

<sup>13</sup> eyìts'ò nìhts'ì nàtsoo t'à ts'ì hòt'ò nàada nìdè jìecho dùdì sù hodàèt'ì lanì whò dèè k'e ts'ò hodàèt'ì.

<sup>14</sup> Enìht'èyèè deyìnats'eèwa lanì yat'a whìle ajà, shìh hazòò eyìts'ò dì whelaa sù hazòò wedìhòhì.

<sup>15</sup> Dù nèk'e k'aodèe, gıza hazòò, eghòò-dòò-gha-k'aodèe hazòò, dò ahxee, dò wèt'àazàa gùlù, dò edets'ò k'agedè-le eyìts'ò dò edets'ò k'agedèe hazòò kwe yì eyìts'ò shìh ta kwe whelaa ta nàdegeežì.

<sup>16</sup> Shìh eyìts'ò kwe ts'ò nagùdzeh hagedì, “Gok'e hodàaht'ì, eyì daèhchìcho k'e whedaa eyìts'ò Sahzòà nàgoehkwa ch'à gok'èahdì.

<sup>17</sup> Hòt'a hòila agogeele dzežè wèghònihojwo họt'e. Dànì edaxàts'ùde weli?” gedì gezeh.

## 7

### *Dò du haàtlò nàgìakwì họt'e*

<sup>1</sup> Eyì t'axòò yak'eet'ù dì dù nèk'e wedzì dì gòlaa gà nàgeèhza gìgoèht'ì. Dèè gok'e, tì k'e eyìts'ò ts'ì ta nìhts'ì ade ha-le t'à nìhts'ì jìdè ts'ò gìtò.

<sup>2</sup> Eyì t'axòò sa kàzàa gòts'ò yak'eet'ù eyì-le naetle wègoèht'ì. Eyì yak'eet'ù sù Nòhtsì Edaa wets'ò enìht'è k'e nàts'eekwì k'èza. Yak'eet'ù dì tì eyìts'ò dèè tsìgehwhì ha gìghàhòt'òò sù gòts'ò hòt'ò nàidzeh hadì,

<sup>3</sup> “Nòhtsì wecheekeè gìts'abeè k'e nàts'eekwì gòts'ò, dèè, tìcho eyìts'ò ts'ì tsìahwhì-le,” gòhdì.



<sup>4</sup> Eyı tʰaxqò dı hats'ediı hq̄t'e, “Dq̄ dı haàtʰq̄q̄ sı nàgiakwı hq̄t'e: Israel got'ıı ts'q̄ ı̀èakw'eènq̄-daats'ò-dı-lemı (144,000).

<sup>5</sup> Judah got'ıı ts'q̄ hoònq̄-daats'ò-nàke-lemı (12,000),  
 Ruben got'ıı ts'q̄ hoònq̄-daats'ò-nàke-lemı (12,000),  
 Gad got'ıı ts'q̄ hoònq̄-daats'ò-nàke-lemı (12,000),

<sup>6</sup> Aser got'ıı ts'q̄ hoònq̄-daats'ò-nàke-lemı (12,000),  
 Naphtalı got'ıı ts'q̄ hoònq̄-daats'ò-nàke-lemı (12,000),

Manaseh got'ıı ts'q̄ hoònq̄-daats'ò-nàke-lemı (12,000),

<sup>7</sup> Sımeyon got'ıı ts'q̄ hoònq̄-daats'ò-nàke-lemı (12,000),

Levi got'ıı ts'q̄ hoònq̄-daats'ò-nàke-lemı (12,000),

Isakar got'ıı ts'q̄ hoònq̄-daats'ò-nàke-lemı (12,000),

<sup>8</sup> Zebulun got'ıı ts'q̄ hoònq̄-daats'ò-nàke-lemı (12,000),

Joseph got'ıı ts'q̄ hoònq̄-daats'ò-nàke-lemı (12,000),

eyıts'q̄ Benjamın got'ıı ts'q̄ hoònq̄-daats'ò-nàke-lemı (12,000).

Hazq̄ t'a dq̄ haàtʰq̄q̄ nàgiakwı hq̄t'e,” hats'ediı.

*Dq̄deè ʔeh degoo nedèe yı geèhkwe*

<sup>9</sup> Eyı tʰaxqò senadaà dq̄ ıq̄ t'a ıq̄ gıgoèht'ı. Dq̄ sı ıq̄ t'a dq̄ wııziı goıhtà ha diı. Dq̄ hazq̄ xàʔaa, yatı hazq̄ xàʔaa eyıts'q̄ dı nèk'e hazq̄ gots'q̄ dq̄ agııt'e. Daèhchıcho eyıts'q̄ eyı Sahzq̄ nadaà nàgeèhza. ʔeh degoo nedèe yı geèhkwe eyıts'q̄ ʔori dagiale.

<sup>10</sup> Hòtʰ'ò hagedı:

“Gonq̄htsı eyı daèhchıcho k'e whedaa eyıts'q̄ eyı sahzq̄ edaxàgogıla hq̄t'e,” gedı gezeh.

<sup>11</sup> Yak'eet'ıı hazq̄ eyı daèhchıcho, q̄dah naènq̄-daats'ò-dı eyıts'q̄ t'ası dı godı sı gomq̄ nàgeèhza.

Daèhchìcho wenadaà nàgògùhgè, gini dèè xèedi xè  
 Nòhtsì ghàsogeedi,  
 12 hagedi,

“Amen! Nòhtsì weghàsots'eedi xè welò while ts'ò  
 masi wets'ùhwhò.

Nòhtsì t'aats'òò enìyah t'à gòzòzò xè nàtso  
 wehòhòzò welè. Amen!” hagedi.

13 Eyì t'axòò qhdah ìlè daseehke, “Eyì dò zeh  
 degoo nedèè yì geèhkw'ee sù amì agùt'e? Eyits'ò  
 edì gots'ò agèt'ì?” sèhdi.

14 Eyit'à wets'ò haehsì, “K'àowo, nì wek'èizò  
 hòt'e.”

Sets'ò hadì, “Eyì agùt'ee sù hòt'ò dagùzà hòt'e.  
 Sahzòà wedòò t'à edezèè k'enagùhtso t'à gizeè de-  
 gò agùlà hòt'e.

15 Eyit'à,

Nòhtsì wedaèhchìcho nadaà nàgèèhza hòt'e.

Dzèè, toò, Nòhtsìkò-gocho goyì gìgha eghàlaeda.

Eyì daèhchìcho k'e whedaa sù edets'ò nìhbàa gok'e  
 ayele ha.

16 Welò while ts'ò degeèhdi ha-le eyits'ò tì sù  
 ghageewì ha-le.

Sadeè nàtsoo gik'e ade ha-le, eyits'ò sù edì t'à  
 dagùzà ha-le.

17 Eyì sahzòà daèhchìcho gà tanì nàwoo sù sahzòà-  
 k'èdì-dòò lanì gok'èdì ha.

Tì nùlù wet'à ts'eedaa sù ts'ò agole ha.

Eyits'ò Nòhtsì gonatì hazòò yedeedi ha,” qhdah  
 hasèhdi.

## 8

*Sòmbaekwo kw'àyìq*

1 Sahzòà eyi enìhtl'èyeè wedaàdzeh lòhdı t'à whezòò sù nàyyızhì ekò hazòò yak'e geèhk'ee sù tanı sadzeè ts'ò gıxè t'asagodi-le agòjà.

2 Eyı t'axòò yak'eet'ıı lòhdı Nòhtsı nadaà nàgeèhza gıgaat'ı. Dechıshı lòhdı gıghòzha.

3 Yak'eet'ıı eyı-le ıè sòmbaekwo kw'àyıà k'ehı xè sòmbaekwo ladà ts'ò èhtıa. Dzèh-łekòò dèk'òò lò kw'àyıà yı adlà. Eyı sù Nòhtsı wets'ò dò degai ayı gha yagehtı sù wexè sòmbaekwo ladà k'e Nòhtsı ts'ò yek'eehk'ò. Eyı ladà daèhchıcho w-nadaà whezòò họt'e.

4 Yak'eet'ıı wıà gots'ò dzèh weloò, Nòhtsı wets'ò dò yagehtı xè ıdòò Nòhtsı wenadaà ts'ò ajà.

5 Eyı t'axòò yak'eet'ıı eyı sòmbaekwo kw'à neyıchı gà sòmbaekwo ladà k'e gots'ò kò dèk'òò yeyı ayıılà, eyıts'ò dı nèk'e ts'ò xàyeèht'ı. Eyı hayıılà ts'ıhòò èèzhu, hòt'ò agodi, kò nait'ı eyıts'ò dèè hòt'ò nàèhdò.

### *Dechıshı lòhdı*

6 Eyı t'axòò yak'eet'ıı lòhdı dechıshı lòhdı geehdı ha sınıgıde.

7 Yak'eet'ıı t'akwelòò whedaa sù edets'ò dechıshı yeèhdı ekò, kò, ıı eyıts'ò edoò ełeta dèè k'e ts'ò hodàèt'ı. Dèè tanı k'aıı ts'ò wek'enık'ò, wexètłò ts'ı k'enık'ò eyıts'ò t'oh hazòò wek'enık'ò.

8 Yak'eet'ıı nàke t'à whedaa sù edets'ò dechıshı yeèhdı ekò shıh nechàa dèk'òò xè tıts'eèhk'a wègòèht'ı. Tıcho tanı k'aıı ts'ò edoò whelı.

9 Tı yı t'ası nàdèe sù hazòò tanı k'aıı ts'ò ełàgıdè eyıts'ò wexètłò elàcho wedıhòhı.

10 Yak'eet'ıı tai t'à whedaa sù edets'ò dechıshı yeèhdı. Yat'a ts'ò whò nechàa dechı-dèk'òò lanı

hodàdeèwò. Deh nechàa hazòò eyits'ò dehtsoa hazòò tanı k'aʒıı ts'ò k'e nàekw'o.

<sup>11</sup> Eyı whò “Nàèdııı” wıyeh họt'e. Tı hazòò gòhıı sı tanı k'aʒıı ts'ò tı nàèdııı whelı t'à dọ lọ ełıdè.

<sup>12</sup> Yak'eet'ıı dı t'à whedaa sı edets'ò dechıshı yeèhdı. Sadeè, adzezah, eyits'ò whò hazòò tanı k'aʒıı ts'ò gıxèʒeèhdı t'à tanı k'aʒıı ts'ò gıxè togoòt'ò agòjà. Dze eyits'ò to dı sadzeè haıwa ts'ò togoòt'ò agòjà.

<sup>13</sup> Eyı tı'axòò det'òcho yat'a k'et'a wègaat'ı. Hòt'ò ezeh xè hadı, “Hoıla ha, hoıla ha, hoıla nechàa agode ha. İlaà yak'eet'ıı tai dechıshı geehdı ha t'à dı nèk'e dọ hazòò sı gıxè hoıla agode ha!” hadı ezeh.

## 9

<sup>1</sup> Yak'eet'ıı sılaı t'à whedaa sı wets'ò dechıshı yeèhdı ekò yat'a ts'ò dı nèk'e ts'ò whò hodàdeèwò wègaat'ı. Eyı whò sı ızhı dèè goyı gòòʒaa yets'òdaà xàede ha ladlı weghòt'ò.

<sup>2</sup> Eyı dèè goyı gòòʒaa sı yets'òdaà xàechı ekò weyı gots'ò ló ló xàıt'ı lanı, kò nàtsoo dèk'òò gots'ò lanı. Ło ló xàekw'e t'à sadeè eyits'ò yat'a goèhzòò agòjà.

<sup>3</sup> Ło yıı gots'ò ts'aelòà ló xàıde, dı nèk'e ts'ò agejà. Eyı ts'aelòà sı nàèdııı-k'àle lagıı'e ha gıghàhòt'ò.

<sup>4</sup> Yatı gıghòt'òò hagıts'edi, “Dı nèk'e tı'oh, ıt'òà xàʒaa eyits'ò ts'ı wıızı wedıhoahıtı ha-le. Hanıkò amı Nòhtsı nıht'è gıts'abeè k'e nàekwı-le sı eyı zò dagııʒaa agıahle ha,” gıts'edi.

<sup>5</sup> Dọ ełààgehde ha gıghàhòt'ò-le, hanıkò sılaı sa ts'ò dọ dagııʒaa agogele ha họt'e. Nàèdııı-k'àle dọkwò

xàhde nɔ̀dè sù wek'è eya nàtso, eyi lanì ts'aelòà hòt'ò dọ dagoghɔ̀ha ha.

<sup>6</sup> Ekiiyèè k'e dọ ɛ̀lɔ̀ats'ide gɔ̀wọ̀ kò ɛ̀lɔ̀gede ha-le.

<sup>7</sup> Eyì ts'aelòà sù tɔ̀cho ɛ̀legegọ̀ gha nàgeht'ɔ̀ lanì gigaat'ɔ̀. Sọ̀mbaekwo kwit'ni gikwì k'e whela, eyits'ọ̀ gini dọ̀ni lanì gigoèht'ɔ̀.

<sup>8</sup> Gikwìghà, ts'èko kwìghà lanì eyits'ọ̀ gighòò goòjì wèghòò lanì.

<sup>9</sup> Eyits'ọ̀ satsọ̀ gidzọ̀ k'e whela. Gɔ̀ts'ọ̀ nàeda nɔ̀dè tɔ̀cho behchɔ̀ xè tɔ̀cho lọ̀ ɛ̀legegọ̀ ts'ọ̀ geède lagodi.

<sup>10</sup> Nàèdihɔ̀-k'àle wetsè lanì gitsè k'oòts'oo sù t'à sɔ̀lɔ̀ sa ts'ọ̀ dọ dagoghɔ̀ha ha.

<sup>11</sup> Gits'ọ̀ k'àowo sù dèè yì gọ̀ọ̀àa gots'ọ̀ yak'eet'ɔ̀ họt'e. Eyì yak'eet'ɔ̀ sù Israel got'ɔ̀ gɔ̀yatì k'èè “Abadon” wiyeh eyits'ọ̀ Greece got'ɔ̀ gɔ̀yatì k'èè “Apollyon” wiyeh (eyi sù “t'asì yedihohotsɔ̀” gedii-agedi).

<sup>12</sup> T'akwelòò hoìla wetehoòwo, hanikò ɔ̀lɔ̀ hoìla nàke xèhoìwi ha.

<sup>13</sup> Yak'eet'ɔ̀ ek'ètaɔ̀ t'à whedaa sù edets'ọ̀ dechɔ̀shì yeèhdi ekò Nòhtsɔ̀ wenadaà sọ̀mbaekwo ladà whezọ̀ sù wedzì dɔ̀ gots'ọ̀ gots'edeè họt'e.

<sup>14</sup> Eyì yak'eet'ɔ̀ ek'ètaɔ̀ t'à whedaa wets'ọ̀ dɔ̀ hats'edù họt'e, “Yak'eet'ɔ̀ dɔ̀ dehcho Euphrates gà dageet'ɔ̀ sù daguge,” wèts'edù họt'e.

<sup>15</sup> Eyì yak'eet'ɔ̀ dɔ̀ sù dɔ̀ sadzeè gha, dɔ̀ dzeè gha, dɔ̀ sa gha eyits'ọ̀ dɔ̀ xo gha, gik'èhodì họt'e. Dɔ̀ nèk'e dọ̀ hazọ̀ tanì k'aɔ̀ ts'ọ̀ ɛ̀lɔ̀agoghde ha xàgeèdeè agòòlɔ̀.

<sup>16</sup> Dɔ̀ hats'edù eèkw'o, “Hazọ̀ t'à eghọ̀-dọ̀ tɔ̀cho k'e dageèkw'ee sù nàke-lakw'eèn-lemiyọ̀

hageètłq,” hats'edii họt'e.

17 Tłcho eyits'q dq gık'e dageèhk'ee sii dui hani senazhu gigoèht'ı: Satsq gidzq whelaa sii kq lanı dek'o, dèht'è-dezqq xè dekwo-degoo lanı wègaat'ı. Tłcho gıkwı sii goòjıkwı lanı eyits'q gıwà gots'q kq xè lo, eyits'q kwe dèk'qđ xàewı.

18 Eyı kq, lo, eyits'q kwe dèk'qđ tlıcho gıwà gots'q xàewı sii t'à dui nèk'e dq hazqđ tanı k'ađı ełàgıdè.

19 Tłcho sii edewà eyits'q edetsè t'à dq ełàgehde; gıtsè goocho lanı eyits'q edekwı t'à dq tsıgehde.

20 Dui nèk'e dq ełàgıdè-le sii edılà t'à ayı gèhtsı sii ghq edek'egıı-le. İniı ts'q yagehtı ghq naget'è-le. Sqđmbaekwo t'à t'ası hòeıı, sqđmba degoo, satsq dekwoo, kwe, eyits'q dechı t'à nõhtsıđ hòeıı sii ts'q yagehtı. Edegha nõhtsıđ gehtsı sii k'egeet'ı-le, egeèkw'q-le xè k'egedè-le kq ılaà gots'q yagehtı.

21 Ełàlegıhde, ık'qđ t'à ałeghezı, edezhıı t'à hoıı k'alagedè eyits'q egeeđı, hanıkq edek'egıı-le.

## 10

### *Yak'eet'ıı enıht'èyeè nechà-lea dayeđa*

1 Eyı t'axqđ k'achı yak'e gots'q yak'eet'ıı nàtsoo hodàèhtıa weehı. K'oh wemoèhdo eyits'q k'àlemıı wekwı godo nawhet'ıı wègaat'ı. Wıni sa lanı wek'e saıdı eyits'q wedzaà kq dèk'qđ nàıđa lanı.

2 Eyı yak'eet'ıı enıht'èyeè nechà-lea dayeđa; eyı enıht'èyeè wek'eyats'ehtı ha welat'ıaà whezq. Nàgots'ehnèe ts'q edekè t'à tıcho k'e nàèht'è eyits'q gots'ıhts'q ts'q edekè t'à dèe k'e nàèht'è.

3 Goıjııcho lanı hòt'ò whezeh. Hòt'ò whezeh ekq eezhu lqhdı ek'èt'à xàyagıhtı.

4 Eezhu lòhdı goıde kò ayı̀ dàgedı̀ sı̀ dek'enèehtl'è ha dehwhò ı̀lè, hanikò yak'e gots'ò sets'ò hats'edı̀ họt'e, "Eyı̀ eezhu lòhdı̀ dàgedı̀ sı̀ dọ wı̀zı̀ ts'ò haıdı-le eyıts'ò dek'enı̀tl'è-le," hasèts'edı̀ họt'e.

5 Eyı̀ tı'axqò yak'eet'ı̀ tıcho eyıts'ò dèè k'e nàwo weehzı̀ ı̀lèè sı̀ nàgòts'ehnèè ts'ò edılà ı̀dòò yak'e ts'ò ayı̀là.

6 Nòhtsı̀ welò while ts'ò edaa sı̀ yak'e eyıts'ò t'ası̀ hazqò yeyı̀ nàdèè whehtsı̀. Eyıts'ò dı̀ dèè eyıts'ò t'ası̀ hazqò yek'e nàdèè whehtsı̀. Eyıts'ò tıcho eyıts'ò t'ası̀ hazqò yeyı̀ nàdèè whehtsı̀ sı̀ ededı̀ yuzı̀ dahxà dı̀ hadı̀ yatı̀ nàtsoo whıhtsı̀: "Hòt'a Nòhtsı̀ naèhzı̀ ha nı̀le!

7 Yak'eet'ı̀ lòhdı̀ t'à whedaa sı̀ edets'ò dechı̀shı̀ yeèhdı̀ ha nı̀kw'o nı̀dè Nòhtsı̀ nàowò dọ gha dezı̀ whezqò sı̀ hòt'a deghàà wek'èè agode ha. Nakwenàozqò Nòhtsı̀ gha eghàlagı̀dà ı̀lèè sı̀ dànı̀ dọ ts'ò gogı̀dee sı̀ wek'èè agode ha," yak'eet'ı̀ hadı̀.

8 Yak'e gots'ò amı̀ sets'ò gode ı̀lèè sı̀ k'achı̀ sets'ò gode, hadı̀, "Eyı̀ yak'eet'ı̀ tıcho eyıts'ò dèè k'e nàwoo sı̀ wets'ò ı̀tla gà eyı̀ enıhtl'èyèè dayezaa sı̀ nı̀chı̀," sets'ò hats'edı̀ họt'e.

9 Eyıt'à yak'eet'ı̀ wets'ò èhtla gà, "Enıhtl'èyèè nechà-lea seghàıchı̀," wets'ò haehsı̀. Sets'ò hadı̀, "Nı̀chı̀ gà nezà. Nebò yı̀ dı̀ts'aà ade ha, hanikò newà yı̀ kw'ıahnq-dı̀ lanı̀ negha lekqò ade ha," sèhdı̀.

10 Eyıt'à yak'eet'ı̀ wı̀là gots'ò enıhtl'è neehchı̀ gà ı̀zà. Kw'ıahnq-dı̀ lanı̀ lekqò, hanikò ı̀zà tı'axqò sebò yı̀ dı̀ts'aà ajà.

11 Eyɪ tʰaxòò sets'ò hats'edi, “Sedahxà, dàgode ha sù weghò dọ gɪts'ò goɪde. Dọ lọ xàʔaa, yatɪ lọ xàʔaa eyɪts'ò dɪ nèk'e hazòò eyɪts'ò k'àowocho lọ gɪts'ò goɪde,” sèt's'edi họt'e.

## 11

### *Nakwenàòʔʔ nàke*

1 Dechɪ wet'à idzàa seghòt'ò xè sets'ò hats'edi, “Nòhtsɪkò-gocho ts'ò ɲtɪlɪ gà dàɪhcho ne sù wexèʔɪhdzà eyɪts'ò eyɪ ladà wheʔʔ sɪ wexèʔɪhdzà. Eyɪts'ò ekọ dọ dàtłọ yagehtɪ sù gɪhtà.

2 Hanikò Nòhtsɪkò-gocho gomòht'a kwekwɪ nechàa weyɪ kwekwɪ nechà-lea nawheʔaa wege gòʔʔ sù wexèʔɪhdzà-le, eyɪ sù dọ eɪadɪ gɪgha ne t'à. Dɪenɔ-daats'ò-nàke sa gots'ò kògodee degai sù wedihogehtɪ ha.

3 Sets'ò nakwenàòʔʔ nàke sù t'asù t'à nàgetsoò agehɛ ha. ɪlè-lemì-daats'ò-nàkeakw'eènɔ-daats'ò-ek'ètaènɔ (1,260) dzeɛ gots'ò dɔhshòò goht'ò yɪ geèhk'w'e xè nadaɛ gogede ha,” sèt's'edi họt'e.

4 Eyɪ nakwenàòʔʔ nàke sù ts'ɪ nàke jìecho “olive” wek'e dehshee eyɪts'ò ek'aèk'òchɪ nàke dɪ nèk'e ts'ò K'àowo nadaɛ nawheʔa lanì nàgeèhza.

5 Dọ gots'ò hoila eghàlageeda nɪdè gɪwà ts'ò kòwoò xàewɪ t'à gok'egeehk'ò. Amì eyɪ nakwenàòʔʔ nàke ts'ò hoila eghàlaedaa sù hanì eɪàawɪ ha họt'e.

6 Eyɪ nakwenàòʔʔ nàke sù yat'a ts'ò k'àhogewo ha gɪghàhòt'ò họt'e. Nòhtsɪ yatɪ t'à dọ ts'ò gogede gots'ò chòh agot'ɪ-le agehɪ, tɪ edoò ihlè agehɪ eyɪts'ò dɪ nèk'e hoila hazòò xàʔaa agele ha gɪghàhòt'ò. T'aàtłọ ts'ò hanì eghàlageeda ha gɪwò sù hagehɪ.



7 Hòt'a dọ ts'ò gogede ghonagut'e nɔ̀dè tɔ̀ts'aàdì  
nechàa dèè goyì gots'ò xàetla ha eyɔ̀ts'ò gok'aàwo  
xè goghòehné ha, eyɔ̀ts'ò ɛ̀làngòhde ha.

8 Kògodeè weni tɔ̀lì k'e gɔ̀weè whela ha. Eyɔ̀  
kògodeè wɔ̀zì sɔ̀ Sodom-lanì eyɔ̀ts'ò Egypt-lanì  
wìyeh họt'e, ekọ gɔ̀ts'ò K'àowo dechɔ̀et'aa k'e  
wedɔ̀tsò ɔ̀lè.

9 Tai dzeɛ̀ daats'ò tanɔ̀ haɔ̀wa gots'ò dɔ̀ nèk'e ts'ò  
dọ hazọ̀ xàzaa eyɔ̀ts'ò yatɔ̀ hazọ̀ xàzaa gots'ò dọ  
eyɔ̀ nakwenàòzọ̀ nàke gɔ̀weè whelaa ghàgeeda ha,  
hanìkò gokw'ò ɔ̀ nègule ha gɔ̀wọ̀-le.

10 Eyɔ̀ dọ nàke ɛ̀làngɔ̀dè t'à dɔ̀ nèk'e dọ hazọ̀  
gɔ̀nà ha. Eyɔ̀ gha dzeɛ̀ hogehtsɔ̀ xè t'asì ɛ̀lèghàgele  
ha, eyɔ̀ nakwenàòzọ̀ nàke sɔ̀ dɔ̀ nèk'e dọ da-  
gogɔ̀hza ɔ̀lè t'à.

11 Hanìkò tai dzeɛ̀ daats'ò tanɔ̀ t'axọ̀ Nòhtsɔ̀  
gok'e ehsò t'à nagidà agòòlà. Nàgeèhzaà agejà t'à  
amì gogɔ̀zɔ̀ sɔ̀ sɔ̀ geèhyeh.

12 Eyɔ̀ t'axọ̀ eyɔ̀ nakwenàòzọ̀ nàke yak'e gots'ò  
gɔ̀ts'ò hòt'ò dɔ̀ hats'edɔ̀ gɔ̀kw'o, “Jọ ɔ̀dò ts'ò  
aahde,” gɔ̀ts'ò hats'edɔ̀ họt'e. Eyɔ̀t'à k'oh yì ɔ̀dò  
yak'e ts'ò agejà; dọ gots'ò xànegɔ̀zaa sɔ̀ goghàgeeda.

13 Eyɔ̀ sadzeè et'ù dèè hòt'ò nàèhdọ t'à kògodeè  
gots'ò kọ ɔ̀ hodàèt'ɔ̀; kọ gòlaa hoònọ ts'ò ɔ̀  
hodàèt'ɔ̀. Dèè hòt'ò nàèhdọ t'à dọ ɔ̀hdɔ̀-lemì  
ɛ̀làngè. Dọ ɛ̀làngè-le sɔ̀ sɔ̀ geèhyeh t'à Nòhtsɔ̀ yak'e  
whedaa ghàsogeedɔ̀.

14 Hoila nàke wetehoòwo, wek'è hoila tai agode  
ha sɔ̀ wets'ò hawe.

### *Yak'ee't'ù ɔ̀hdɔ̀ t'à wheda*

15 Yak'ee't'ù ɔ̀hdɔ̀ t'à whedaa sɔ̀ edets'ò dechɔ̀shì  
yeèhdɔ̀ ekò yak'e gots'ò hòt'ò dɔ̀ hats'edɔ̀ họt'e,

“Gots'ò K'àowo eyits'ò wets'ò Christ xè dù nèk'e gogha k'àowo gùlù agejà eyits'ò ededù sù welò while ts'ò K'àowo elì ha,” hats'edù hòt'e.

16 Eyì t'axòò òhdah naènò-daats'ò-dì Nòhtsì nadaà daèhchìcho k'e geèhkw'ee sù Nòhtsì nadaà nàgògùhgè gà gùghàsòedì,

17 hagedì,

“Gots'ò K'àowo eyits'ò Gonòhtsì, nì sù t'asì negha dii-le. Nì sù nexè hòzò ilè eyits'ò dii nexè hòzò hòt'e. T'asì negha dii-le t'à dù nèk'e k'àhojwo ha xèhoneehwho, eyit'à masì nets'ùhwhò.

18 Dò hazòò xàzaa gich'è, eyit'à dii nàgùhkwa ha. Dò ełàidèe sù dii gısınıyaeti ha nèhòjwo. Nakwenàozòò negha eghàlagùdàa, nets'ò dò gùlù, eyits'ò nets'ò nezù kànegùzaa sù nezù gits'ò eghàlajda ha. Eyits'ò dò wet'àazàa, dò wet'àazà-le, nek'èagùt'ee sù nezù gits'ò eghàlajda ha. Hanikò amù dii dèe yedihohtsù sù godihohtsì ha hòt'e,” hagedì.

19 Eyì t'axòò yak'e ts'ò Nòhtsìkò-gocho enìxàetò. Nòhtsìkò-gocho goyù nakenahòdlù gha sòmbaekwo-ladzè wègoèht'ì. Hòtsaa eezhì xè kò nait'ì, dèe hòt'ò nàèhdò xè jhì lò hodàèt'ì.

## 12

### *Ts'èko eyits'ò tìts'aàdùcho dek'oo*

1 T'asì enìyah yak'e wègoèht'ì: ts'èko zeh yì wheda lanì sadeè t'à nàht'ì. Adzèzah weket'ì a whezò eyits'ò sòmbaekwo kwit'ì whò hòònò-daats'ò-nàke wek'e whela wekwì k'e whezò.

2 Hotù eda-le; webebìa gòhlè ha nìkw'o t'à wegaha eya nàtso t'à yaèzeh.

<sup>3</sup> Eyɪ tʰaxqò k'achɪ t'asì enìyah yak'e wègoèht'ì: tɪts'aàdìcho dek'oo wekwì lòhdɪ wek'e whela eyɪts'q sòòmbaekwo kwìt'ì lòhdɪ wekwì k'e whela wègoèht'ì.

<sup>4</sup> Edetsè t'à whò tanɪ k'azì yat'a whelaa sù dɪ nèk'e ts'ò hodàyeèhde. Eyɪ tɪts'aàdìcho dek'oo sù ts'èko webebìa gòhlè ha nìkw'oo yenadaà nàwo, eyɪ bebìa wegòhɪ ts'òet'ì yezà ha nɪwq t'à.

<sup>5</sup> Eyɪ ts'èko dɔzhìa nɪhtɪ. Eyɪ dɔzhìa sù satsò-geh t'à dɔ hazqò xàzaa ts'ò k'ahowo ha. Ekòet'ì eyɪ dɔzhìa sù ɪdò Nòhtsɪ ts'ò eyɪts'q wedaèhchɪcho ts'ò nɪwìtɪ.

<sup>6</sup> Eyɪ ts'èko ekì-ka nèk'e ts'ò kwìèhsa. Edɪ Nòhtsɪ yedasìnìhòɪzq sù ekq ts'ò ajà, ekq ɪlè-lemì-daats'ò-nàkeakw'eènq-daats'ò-ek'ètaènq (1,260) dzeè gots'ò wek'èhodì ha.

<sup>7</sup> Yak'e èlegegq xèhòqwo. Michael edets'q yak'eet'ì xè eyɪ tɪts'aàdìcho dek'oo ts'ò èlegegq eyɪts'q eyɪ tɪts'aàdìcho dek'oo wets'q yak'eet'ì xè gots'ò ek'èt'à èlegegq.

<sup>8</sup> Hanìkò eyɪ tɪts'aàdìcho dek'oo sù hoehnè ha nàtso-le t'à yak'e gots'q xàgogeèhde.

<sup>9</sup> Eyɪ tɪts'aàdìcho dek'oo sù ɪnèq whaà gots'q gòochò hq't'e. Eyɪ sù wehɪ hani-le-ɪdè "Satan" wiyeh hq't'e. Ededɪ sù dɪ nèk'e dɔ hazqò ekq-le ts'ò goèhza. Wets'q yak'eet'ì xè dɪ nèk'e ts'ò gogeèhde.

<sup>10</sup> Eyɪ tʰaxqò yak'e gots'q hòt'ò dɪ hats'edɪ hq't'e: "Hòt'a Nòhtsɪ edaxàgòɪla. Ededɪ sù K'àowochò elɪ eyɪts'q edets'q Christ xè K'àowo nàtsoo elɪ ha. Amì Nòhtsɪ wenadaà t'aats'qò gòet'ɪ k'e nìdahoezà elɪ sù hòt'a hodàweèdo hq't'e.

<sup>11</sup> Gòet'ɪ Sahzqà wedò t'à eyɪts'q edeyatì sɪ t'à gɪghèhnq hq't'e. Eyɪ gha èlàngɪde kò gɪgha t'asanìle

hɔt'e.

<sup>12</sup> Eyit'à naxɪ hazɔ̀ò yak'e nàahdèe sù sù naxɪnà welè! Hanikò wehɪ̀ dɪ̀ nèk'e ts'ò ajà ne t'à, dèe eyits'ɔ̀ ticho xè hoila hòꝛɔ̀ ha! Whaà-lea gots'ò zɔ̀ wegħa hòꝛɔ̀ t'à sù ìch'è hɔt'e," ts'edì hɔt'e.

<sup>13</sup> Eyɪ̀ tits'aadìicho dek'oo dɪ̀ nèk'e ts'ò hodàweèhdo yek'èhoèhzà t'à ts'èko dɔ̀zhia nùhtɪ̀ sù yedeèzhì.

<sup>14</sup> Eyɪ̀ ts'èko sù det'ɔ̀cho nechàa wɪ̀ts'ɔ̀ò nàke weghòzha, yet'à ekɪ̀-ka nèk'e wedasìgòdlàa sù ts'ò naat'a ha. Ekɔ̀ tai xo daats'ò tanɪ̀ haɪwa ts'ò wek'èhodi ha eyits'ɔ̀ ekɔ̀ gòocho dayeechi ha-le.

<sup>15</sup> Eyɪ̀ tɪ̀axɔ̀ò gòocho edewà gots'ɔ̀ tɪ̀ xàehse. Eyɪ̀ tɪ̀ sù deh whelɪ̀. Gòocho eyɪ̀ ts'èko deh nàtsoo t'à weehɪ̀ ayele ha nɪ̀wɔ̀ ɪ̀lè.

<sup>16</sup> Hanikò dèe whàgoets'è gà eyɪ̀ tits'aadìicho dek'oo wewà gots'ɔ̀ tɪ̀ xàetɪ̀'ɪ̀ sù naɪayeèhdò t'à ts'èko ts'adì.

<sup>17</sup> Tits'aadìicho dek'oo eyɪ̀ ts'èko ghɔ̀ sù ìch'è t'à weza hazɔ̀ò ts'ò ajà; weza hazɔ̀ò Nòhtsɪ̀ nàowò k'èagɪ̀t'e eyits'ɔ̀ Zezì wegodì k'ègedì. Eyɪ̀ tits'aadìicho dek'oo eyits'ɔ̀ ts'èko weza eɛ̀xè eɛ̀giagɔ̀.

## 13

<sup>1</sup> Tits'aadìicho dek'oo tabàa nàwo wègaat'ɪ̀.

*Tits'aadìi nechàa ticho yì gots'ɔ̀ xàèhtɪ̀a*

Eyits'ɔ̀ tits'aadìi nechàa eyì-le ticho yì gots'ɔ̀ xàèhtɪ̀a wègaat'ɪ̀. Wekwì lɔ̀hdɪ̀ eyits'ɔ̀ wedè hoònɔ̀ gòhɪ̀. Sɔ̀òmbaekwo kwìt'ì hoònɔ̀ wedè k'e whela eyits'ɔ̀ wekwì lɔ̀hdɪ̀ k'e guzì dek'eèht'è. Eyɪ̀ guzì lɔ̀hdɪ̀ sù Nòhtsɪ̀ k'èch'a yatɪ̀ dek'eèht'è hɔt'e.

<sup>2</sup> Eyɪ tɪts'aàdɪ neçhàa tɪcho yì ts'ò xàèhtɫaa sɪ nòda “leopard” lanì wègaat'ɪ, eyɪts'ò wekè sahke lanì eyɪts'ò wewà gojìicho wewà lanì wègaat'ɪ. Eyɪ tɪts'aàdɪcho dek'oo sɪ tɪts'aàdɪ neçhàa nàtsoò ayɪl̀là xè edetɫ'axòò k'àowocho elɪ ayɪl̀là.

<sup>3</sup> Tɪts'aàdɪ neçhàa wekwì l̀òhdɪ ts'ò ɪl̀è k'e wekaà neçhàa whezò. Eyɪ wekaà yet'à ɛ̀l̀àawɪ ha ɪl̀è, hanìkò k'aat'ɪi anajà. Dɪ nèk'e ts'ò dò hazòò eyɪ tɪts'aàdɪ neçhàa weghò sɪ gɪgha enɪyah t'à gɪk'èede.

<sup>4</sup> Tɪts'aàdɪ neçhàa edetɫ'axòò eghàlaedaà ayɪl̀là t'à dò hazòò tɪts'aàdɪcho dek'oo ts'ò yagehtɪ. Eyɪts'ò dò hazòò tɪts'aàdɪ neçhàa sɪ ts'ò yagehtɪ, hagedɪ, “Amì dɪ tɪts'aàdɪ neçhàa xèht'e? Dò wɪzɪ yedaèt'è gòhɫ-le!” gedɪ.

<sup>5</sup> Eyɪ tɪts'aàdɪ neçhàa sɪ xàdahodì xè Nòhtsɪ k'èch'a gode ha weghàhòt'ò. Eyɪts'ò dɪènò-daats'ò-nàke sa gots'ò k'àowo elɪ ha weghàhòt'ò.

<sup>6</sup> Nòhtsɪ ededɪ, Nòhtsɪ nàdèe k'è, eyɪts'ò hazòò yak'e nàgedèe sɪ k'èch'a xàyaɪhtɪ.

<sup>7</sup> Tɪts'aàdɪ neçhàa sɪ Nòhtsɪ wets'ò dò ts'ò eghò xè goghòehné ha weghàhòt'ò hət'e. Dò hazòò xàzaa, yatɪ hazòò xàzaa eyɪts'ò hazòò nèk'e ts'ò k'àowo elɪ ha weghàhòt'ò hət'e.

<sup>8</sup> Dɪ nèk'e dò hazòò tɪts'aàdɪ neçhàa ts'ò yagehtɪ ha. Sahzòq̄ ɛ̀l̀àawìgwo wenɪhtɫ'è k'e guzì dek'èèhtɫ'è-le agɪt'e. Dɪ dèè hòèlɪ gots'ò amì welò whìle ts'ò geeda ha sɪ eyɪ enɪhtɫ'è yì guzì dek'èèhtɫ'è.

<sup>9</sup> Amì wedzù gòhɫɪ sɪ èèkw'ò welì.

<sup>10</sup> Amì wedaàniṭò wegħa hòzòò sɪ wedaàniṭò ha hət'e. Amì behcho t'à ɛ̀l̀àawɪ wegħa hòzòò sɪ behcho t'à ɛ̀l̀àawɪ ha hət'e. Eyɪt'à Nòhtsɪ wets'ò dò ts'èwhɪ dagɪza xè edɪnì nàtsoò agɪhwhò ha hət'e.

*Tits'aadì nechàa dèè goyì gots'ò xàèhtlà*

11 Eyi t'axòò k'achì tits'aadì nechàa eyì-le dèè goyì gots'ò xàèhtlà wègaat'ì. Wedè nàke sù sahzòq-edè lanù wek'e whela, hanikò tits'aadìcho dek'oo lanì gode.

12 Tits'aadì nechàa wekwì lòhdì sù wedahxà k'àowo elì. Dii nèk'e dọ hazòò tits'aadì wekwì lòhdì, jè wekaà nechàa najì sù ts'ò yagehtì agòòlà.

13 Eyi tits'aadì k'àowo whelù sù eniyah deè hòèhtsì. Dọ hazòò godaà yat'a gots'ò kọ dèk'òọ dii nèk'e ts'ò ayìlà.

14 Tits'aadì wekwì lòhdì wedahxà hanì eniyah deè hòèhtsì t'à dii nèk'e dọ goghoyaaàzọ. Weyatì k'e tits'aadì nechàa behcho t'à gego hanikò xàidàa sù kwe t'à wek'èè wègaat'ù nàhzaà agùlà. Eyi t'à tits'aadì wekwì lòhdì ghàsogeedì agòòlà.

15 Eyi tits'aadì nechàa dii nèk'e gots'ò xàèhtlàa sù eyi kwe t'à wek'èè wègaat'ì hòèlù sù yek'e ehsò t'à godeè ayele ha weghàhòt'ò. Eyits'ò amì yets'ò yahtì-le sù hazòò ẹ̀aàgòhde ha weghàhòt'ò.

16 Dọ hazòò nàgòts'ehnèe gilà k'e hanì-le-ìdè gits'abeè k'e t'asì dek'eèht'è ha agòòlà. Dọ wet'aaàa, dọ wet'aaàa-le, dọ ahxee, dọ-teèt'ù, dọ edets'ò k'agedèe eyits'ò dọ edets'ò k'agedè-le, hazòò t'asì gik'e dek'eèht'è ha agòòlà.

17 Eyi tìcho yì gots'ò tits'aadì nechàa wekwì lòhdì wuzì hanì-le-ìdè wets'ò itàa gik'e dek'eèht'è lenq̄sù dọ wuzì t'asì nàehdì ha dii, eyits'ò t'asì gìghọ nàedi ha dii.

18 Dii yatì dàdì-adù sù dọ gọozọ sù yeniedì welì. Dọ gọozọ nìdè eyi tits'aadì nechàa wets'ò itàa sù yuhtà ha welì, dọ wets'ò itàa ne t'à.

Eyi dọ wets'ọ wet'à itàa sì ek'ètaekw'eènq-daats'ò-ek'ètaènq-daats'ò-ek'ètaì (666) họt'e.

## 14

### *Sahzọq eyits'ọ dọdeè gigaat'ì*

<sup>1</sup> K'eeht'ì ekò senadaà shìh nechàa Zìon wìyeh k'e sahzọq nàwo wègaat'ì. Wexè dọ ɲèakw'eènq-daats'ò-djènq-daats'ò-dj-lemì (144,000) nàgeèhza, gits'abeè k'e sahzọq wùzì eyits'ọ Wetà wùzì dek'eèht'è.

<sup>2</sup> Eyi t'axọq yak'e gots'ọ tì nàlɲ lagodì, eyits'ọ eezhu lagodì. Dọ t'ik'etɲ t'à sọnàgedè lagodì eèhkw'o.

<sup>3</sup> Daèhchìcho wenadaà, eyits'ọ t'asì godì dj, ọhdah naènq-daats'ò-dj gınadaà dọ lọ shì wegòò t'à gejì. Dọ wùzì eyi shì ghàdegeetọ ha dùi, dọ ɲèakw'eènq-daats'ò-djènq-daats'ò-dj-lemì (144,000) dui nèè gots'ọ edaxàgeèlaa sì ededì zọ eyi shì k'ègeezọ.

<sup>4</sup> Eyi dọ haàtlọq sì ts'èko xè hoɲ k'èè eghàlagudà whìle, degaì k'èè edek'ègıadì t'à. Sahzọq edj k'etloo sì gık'èè k'edè. Dọ gıta gots'ọ nàgeèdì agıut'e, eyits'ọ jìecho t'akwełọ dùi dùi Nòhtsı eyits'ọ Sahzọq ghàgogılàa lagıut'e.

<sup>5</sup> Hogets'ì gogıdee whìle eyits'ọ hoɲ wùzì gits'ò-èl-le.

### *Yak'et'ì tai gigoèht'ì*

<sup>6</sup> Eyi t'axọq yak'et'ì k'achì ɲè ıdòò k'et'a weehı. Godì nezı welọ whìle ts'ọ whezọq dui nèk'e dọ hazọq gık'èezọ ha k'eyeza; dọ hazọq xàzaa, yatı hazọq xàzaa eyits'ọ dui nèk'e hazọq gha adlà họt'e.

<sup>7</sup> Yak'et'ì hòt'ò hadì, “Hòt'a dọ sınıyaetı dzeè ts'ò whàa-le t'à Nòhtsı wek'èaht'e eyits'ọ

weghàsqahdı. Ededı sù yak'e, dı dèe, tıcho eyıts'q tı xalıı hazqò yèhtsı hqt'e, eyıt'à wegħa zq aahda,” hadı.

<sup>8</sup> Eyı t'axqò k'achı yak'eet'ıı ıè wègoèht'ı, hadı, “Kògodeè nàgoıtl'ı! Kògodeè Babylon hazqò nàgoıtl'ı, eyı kògodeè sù dı nèk'e dq hazqò edehoıı k'èè eghàlagıdà agòòlà,” hadı.

<sup>9</sup> Eyı t'axqò k'achı yak'eet'ıı ıè wègoèht'ı, hòtl'ò dı hadı: “Amı eyı tıts'aadı nechàa eyıts'q kwe t'à wek'èè wègaat'ıı ts'ò yahtı eyıts'q amı wets'abeè k'e hanı-le-ıdè wıà k'e wızı aat'èè sù

<sup>10</sup> Nòhtsı hòtl'ò nàyeekwa ha. Nòhtsı sù wets'ò wek'èch'a t'à hòtl'ò daıza yeghàhòza ha. Sahzòq eyıts'q yak'eet'ıı gınadaq kwe dèk'òq t'à daızaà awe-dle ha hqt'e.

<sup>11</sup> Hanı dq gık'eek'ò gots'q lo welq whıle ts'ò ıdòo deekw'e ha. Amı eyı tıts'aadı nechàa ts'ò eyıts'q kwe wek'èè wègaat'ıı ts'ò yagehtı eyıts'q wızı gık'e aat'èè sù ts'èwhıı hòzq hòıı ha-le.”

<sup>12</sup> Hanı hòzq ha t'à Nòhtsı wets'q dq degı sù ts'èwhıı nageèhı ha hqt'e. Nòhtsı wenàowò k'èagıt'è eyıts'q Zezı ts'ò edını nàtsoò agıle.

<sup>13</sup> Eyı t'axqò yak'e gots'q dı hats'edıı hqt'e: “Dı dek'enııtl'è: Jq gots'q ıdaà amı gots'q K'àowo gıgha ehkw'ı adı xè ełàgedee sù gıxè sıghà hqt'e,” hats'edıı hqt'e.

Yedàyeh Nezuı hadı, “Hèzè, hòtl'ò eghàlagıdà k'èxa k'èhogeèza ha eyıts'q ayıı dàgıılaa sù t'aats'qò gıxè whela ha,” hadı.

### *Dèè k'e t'ası dıdı nàgehtsı*

<sup>14</sup> Eyı t'axqò senadaq k'oh degoo wègoèht'ı, “dq wet'aa:àa deè” lanı k'oh k'e wheda. Sqòmbaekwo



kwit'iì wekwì k'e whezò, eyits'ò behcho whezòò dèni k'eza.

<sup>15</sup> Ekòet'iì Nòhtsikò-gocho ts'ò yak'eet'ì eyi-le xàèhtla. Yak'eet'ì eyi k'oh k'e whedaa sù ts'ò hòt'ò hadi, “T'asù diidi hazò nàgehtsi ha nèhòwo t'à, nebehchoò t'à xàneht'à,” yèhdi.

<sup>16</sup> Eyi t'à eyi k'oh k'e whedaa sù edebhchoò dèè gote ayìlà t'à dèè k'e t'asù diidi hazò nàgehtsi.

<sup>17</sup> Eyi t'axò k'achì yak'eet'ì eyi-le yak'e Nòhtsikò-gocho gots'ò xàèhtla. Ede di sù behcho whezòò dèni k'eza.

<sup>18</sup> Sòmbaekwo ladà wek'e Nòhtsi ts'ò t'asù k'èk'ò sù gots'ò yak'eet'ì eyi-le xàèhtla. Eyi yak'eet'ì ladà k'e kò dèk'ò ts'ò k'àowo họt'e. Yak'eet'ì behcho dèni k'ezaa sù ts'ò hòt'ò di hadi, “Nets'ò behcho dèni t'à, di nèk'e ts'i wek'e jìecho dawhela sù xàht'à gà nàhtsi, hòt'a diidi ne t'à,” yèhdi.

<sup>19</sup> Eyi yak'eet'ì sù edebhchoò dèè gote ayìlà gà jìecho diidi hazò nàwehtsi. Tàtsògeèhze ha tòhcho yì yìhde, Nòhtsi sù jìecho gots'ò wini-le t'à.

<sup>20</sup> Kògodeè gomòht'a tòhcho yì jìecho tàtsògeèhze. Eyi tòhcho yì gots'ò jìecho tì edoò lanì xàlì. Sùlài gokè haàtagòqhwa ts'ò ajà eyits'ò, nàkeakw'eènq-chì hajúwa ts'ò edoò nùlì.

## 15

### *Hoila lòhdì agode ha*

<sup>1</sup> K'achì yak'e eniyah deè nàhòwo wègoèht'ì: yak'eet'ì lòhdì hoila lòhdì wet'à nòde dọ dagùzaà agedle ha sù dagiale. Eyi wet'à Nòhtsi dọ nàgoehkwa ghò nòt'e ha t'à nòde họt'e.

2 Tideè lanu, eja wek'e saɖe xè weta kò dèk'òq lanu wègoèht'ì. Ami eyi tits'aadi necha "ek'ètaekw'eènq-daats'ò-ek'ètaènq-daats'ò-ek'èta" (666) wiyeh eyits'q kwe wek'èè wègaat'ù ghogèhnq sù eyi tideè lanu gà nàgeèhza, Nòhtsì t'ik'eetù goghàyuua sù dagiale.

3 Nòhtsì wecheekè Moses eyits'q Sahzòq gits'q shì t'à geji, hagedi,  
 "Gots'ò K'àowo t'asì negha dùi-le anet'e,  
 t'asì hazòq ghàlaneanà sù gogha eniyah  
 nechàa họt'e.

Kèhòwo gots'q, welq while ts'ò t'aats'òq K'àowocho  
 anet'e,  
 eyits'q nenàowoò sù ehkw'i zq họt'e.

4 Gots'ò K'àowo, dq hazòq nek'èagut'e ha họt'e  
 eyits'q neghàsogeedi ha.  
 Nì zq degai anet'e.

Ehkw'i eghàladà sù wek'èhoedzòq adlà ne t'à,  
 dq hazòq xàzaa nets'ò aget'ì xè neghàsogeedi  
 ha họt'e," hagedi geji.

5 K'achì yak'e ts'ò k'eeht'ì ekò Nòhtsìkò-gocho  
 enixànùtq wègoèht'ì. Eyi kò-gocho sù "Nòhtsì  
 nàowoò gha nìhbàa nàza" họt'e.

6 Yak'eet'ù lòhdì hoila lòhdì wet'à dq daguza ha  
 dagiale sù Nòhtsìkò-gocho gots'q xàgeède. ?eh  
 nedèe degoo wek'e saɖee yì geèhkw'e eyits'q  
 zèht'ì sòmbaekwo lanu gidziwi te nawhet'ì.

7 T'asì dì godì gots'q mè sòmbaekwo kw'àyia  
 lòhdì yak'eet'ù lòhdì goghàyuwa. Nòhtsì welq  
 while ts'ò edaa sù eyi kw'àyia lòhdì weyì dq ts'ò  
 wek'èch'a dagoòzq whet'ì.

8 Nòhtsì eniyah t'à nàtsoo wehòhzo gots'q wekò  
 gocho lo dagoòzq ajà. Hoila lòhdì dui nèk'e dq hazòq

k'e ajà gots'ò, dọ wụzị Nòhtsìkò-gocho goyaetla ha dī.

## 16

### *Sọ̀mbaekwo kw'àyịq lòhđi*

<sup>1</sup> Eyị t'axọ̀ Nòhtsìkò-gocho gots'ọ̀ yak'eet'ụ̀ lòhđi ts'ọ̀ hòt'ò dū hats'ediì họt'e, “Sọ̀mbaekwo kw'àyịq lòhđi dū nèk'e nałaaht'ì. Ayì weyì whet'ì sì eyi t'à Nòhtsì dọ̀ nàehkwa ha,” hats'ediì họt'e.

<sup>2</sup> Yak'eet'ụ̀ t'akwełò̀ elì sì edets'ọ̀ kw'àyịq dū nèk'e ts'ọ̀ nałayeèht'ì. Dọ̀ hazọ̀ tìts'aadiì nechàa wụzì gìk'e aat'èè sì eyits'ọ̀ kwe wek'èè wègaat'ù ts'ọ̀ nàgògùhgeè sì gikaà lọ̀ ajà t'à sì dagùza.

<sup>3</sup> Yak'eet'ụ̀ nàke t'à whedaa sì edets'ọ̀ kw'àyịq yì ayì whet'ì sì tìcho k'e nałayeèht'ì t'à tìcho edoò whelì, dọ̀ ełajwo wedoò lanì. Eyì hagòjà ts'ìhžò tì yì t'asì nàdèè sì hazọ̀ eładè.

<sup>4</sup> Eyì t'axọ̀ yak'eet'ụ̀ tai t'à whedaa sì edets'ọ̀ kw'àyịq deh nechàa eyits'ọ̀ dehtsoa ta nałayeèht'ì t'à tì edoò whelì.

<sup>5</sup> Eyì t'axọ̀ yak'eet'ụ̀ tì ts'ọ̀ k'àowo elì sì dū hadì weèhkwo:

“Whaà gots'ọ̀ nehòhžọ̀ eyits'ọ̀ dū nehòhžọ̀ sì Nòhtsì degai anet'e.

Dū hanì t'asì wesìnyanehtì t'à ehkw'ì anet'e.

<sup>6</sup> Nets'ọ̀ dọ̀ eyits'ọ̀ nakwenàozọ̀ gidoò nałageèht'ì ts'ìhžò dū hanì dọ̀ gisìnyanehtì.

Ayì dàgùla k'èxa edoò gedọ̀ agùlà,” yak'eet'ụ̀ hadì.

<sup>7</sup> Sọ̀mbaekwo ladà gots'ọ̀ dū hats'ediì họt'e:

“Hèzè, Gonòhtsì, t'asì hazọ̀ negha dī-le anet'e.

Dàni dọ gısinıyanehtı sı ehkw'ı họt'e," ts'edi họt'e.

<sup>8</sup> Yak'eet'ı dı t'à whedaa sı edets'ọ kw'àyĩa sa k'e nałayeèht'ı. Sa wekò nàtsoo t'à dọ k'eeek'ò ha, hanı weghàhòt'ọ họt'e.

<sup>9</sup> Sa sı whekò t'à dọ gıkwò k'eeek'ò ts'ıhò Nòhtsı ts'ò nàdahogeezà. Ayı t'à dọ dagızaa sı Nòhtsı yets'ò K'àowo họt'e, hanıkò ıaà edek'egıı ha gıwọ-le eyıts'ọ Nòhtsı ghàsogeedi ha gıwọ-le.

<sup>10</sup> Yak'eet'ı sıla t'à whedaa sı edets'ọ kw'àyĩa tıts'aadı nechàa wedaèhchıcho k'e nałayeèht'ı. Tıts'aadı nechàa wenèk'e họtsoa gıxè togoòt'ò agòjà. Dọ sı dagıza t'à edewalı k'ètsogıza

<sup>11</sup> eyıts'ọ gıkaà ıọ xè gıgha eya nàtso t'à Nòhtsı yak'e whedaa sı ts'ò nàdahogeezà, hanıkò dani eghàlagıdaa sı weghọ edek'egıı ha gıwọ-le.

<sup>12</sup> Eyı t'axòò yak'eet'ı ek'etaı t'à whedaa sı edets'ọ kw'àyĩa dehcho Euphrates gòyeh k'e nałayeèht'ı. Họtsoa tı hazòò whıle ajà xè dèè whego. Dı hagòjàa sı sa kàzaa nèk'e gots'ọ k'àowocho nıgıde ha gıdasınıhòt'ọ họt'e.

<sup>13</sup> Eyı t'axòò ııhı tı ts'alı lanı gıgoèht'ı. Tıts'aadıcho dek'oo wewà yı gots'ọ ıè xàèhtı eyıts'ọ ıè tıts'aadı nechàa wewà yı gots'ọ xàèhtı eyıts'ọ ıè nakwenàozò ehkw'ı gode-le wewà yı gots'ọ xàèhtı.

<sup>14</sup> Eyı ııhı sı enıyah hogehtsı, eyıts'ọ dı nèk'e k'àowocho hazòò ts'ò agejà. Nòhtsı t'ası wegha dıle sı wets'ọ dzedeè k'e elegegọ ha k'àowocho hazòò ıaà elegehdè agogıla.

<sup>15</sup> Gots'ò K'àowo dı hadı, “Kexoahdı! Eezı-dò lanı họtsoa naxıts'ò nèehtı ha. Amı ts'ıgoedi xè

edegoht'ò edegà whehłaa sì wexè sìghà ha họt'e. Hanì-ıdè goht'ò dẹ edeghọ ùzhaelı ha-le,” hadı.

16 Eyı t'axòò eyı ìnìıı tai Hebrew yatı k'èè Ar-magedon gòyeh ekọ k'àowochọ hazòò elègogııla.

17 Eyı t'axòò yak'eet'ıı lòhdı t'à elı sì edets'ọ kw'àyıı yat'a nałayeèht'ı ekò Nòhtsıkò-gocho goyı daèhchıcho gots'ọ hòt'ò dı hats'edı họt'e, “Hòt'a enahọt'e!” hats'edı họt'e.

18 Ekòet'ıı kò naıt'ı, hòt'ò eezhu eyıts'ọ dèè hòt'ò nàèhdọ. Dı nèk'e dọ ajà gots'ọ haıt'ò dèè nagoèhdọ whıle.

19 Kògodeè Babylon tai ts'ò łats'ıgoıdla eyıts'ọ dı nèk'e kògodeè hazòò nàgoıt'ı. Nòhtsı sì Babylon got'ıı gıhoıı yenadı t'à eyı k'èxa nàgoıhkwa. Nòhtsı gots'ò wek'èch'a t'à hòt'ò dagııza ha goghàhòıızọ.

20 Dıa hazòò whelaa sì whıle ajà eyıts'ọ shıh hazòò wègoèht'ı-le ajà.

21 Yat'a gots'ọ ıhlı nechàa dọ k'e hodàet'ò. Eyı ıhlı sì ıłèakw'eèno haàtłọọ aıhdaa dọ k'e nàıt'ı t'à sì dagııza, eyıt'à Nòhtsı ts'ò gıch'è xè nàdahogeezà.

## 17

### *Ts'èko eyıts'ọ tıts'aàdı nechàa*

1 Yak'eet'ıı lòhdı kw'àyıı lòhdı k'egelee sì ıłè segà nııtłaa, hadı, “Sek'èè ıłłaa. Ts'èkoıı tı lọ k'e whedaa sì dànı daıızàà awedle ha sì weghàıdaà anehłe ha.

2 Dı nèk'e k'àowochọ hazòò eyı ts'èkoıı xè hoıı hogehtsı, eyıts'ọ dı nèk'e dọ hazòò yenàowò k'èè eghàlageeda gıgha nezı. Wets'ọ jıetııı t'à geèhde lagıt'e,” hadı.

3 Eyi t'axqò Yedayeh Nezu wedahxà yak'eet'ù ekù-ka nèk'e ts'ò naseèhtì. Ekò ts'èko tits'aadù nechàa k'e wheda wègaat'ì. Eyi tits'aadù nechàa sù wek'aatsù dek'o-dezò hq't'e, Nòhtsì k'èch'a wuzìhù lq gòhù sù hazòò wedziwì k'e aatl'è, eyits'ò wekwì lqhdì gòhù xè edè hoònq wek'e whela.

4 Eyi ts'èko goht'ò dek'o-dezò yì wheda. Sqòmbakwo eyits'ò sqòmbakweè wek'e whela xè wek'e saide. Eyi ts'èko sqòmbakwo libò dayaka. Eyi libò sù t'asìhù eyits'ò wenàowohù weyì dagoòzò hq't'e.

5 Wets'abeè k'e wuzì dek'eèht'è, eyi wuzì sù wenits'eedì ha gogha dezhi. Wek'e dù hanì dek'eèht'è:

“Babylon kògodeè hq't'e,  
ts'èkoju hazòò gha gomò elì hq't'e  
eyits'ò dù nèk'e dò hazòò yenàowojù k'èè geeda,”  
hanì dek'eèht'è.

6 Eyi ts'èko sù Nòhtsì wets'ò dò godoò edò t'à yeèhde wègaat'ì. Nòhtsì wets'ò dò Zezi gìgha ehkw'ì adì t'à dagùza hq't'e.

Eyi ts'èko weehzì ekò sù segha enìyah dùi.

7 Eyi t'à yak'eet'ù sets'ò hadì, “Dànìghò sù negha enìyah dùi? Eyi ts'èko eyits'ò eyi tits'aadù nechàa k'e whedaa sù ayì gha agùt'ee sù nedaehsì ha. Eyits'ò wekwì lqhdì eyits'ò wedè hoònq wek'e whelaa sù eyi ghò nedaehsì ha.

8 Eyi tits'aadù nechàa weneezù sù eda ìlè, hanìkò dù elajwo hq't'e. Nòde-ìdè dò elajdèè k'è gòzòò gots'ò xàetla ha, eyi t'axqò deè wedìholè ha. Dù nèk'e dò lq eyi tits'aadù nechàa ghàgeeda nùdè gìgha enìyah dùi ha ne, eyi tits'aadù nechàa sù eda ìlè, dù elajwo hq't'e, hanìkò k'achì naidà ha hq't'e. Welò

while ts'ò ts'eedaa enjhtl'è k'e guzi dek'eèhtl'è-le sù agüt'e. Eyì enjhtl'è sù dèè hòèlì gots'ò họt'e.

<sup>9</sup> “Eyì hazòò dàhodù-ahodù sù dọ gọọzọọ gınıedi weli. Tıts'aàdì nechàa wekwì lòhdì sù shìh lòhdì gha họt'e, eyì sù ts'èko yek'e wheda.

<sup>10</sup> Eyıts'ò eyì wekwì lòhdì sù k'àowocho lòhdì gha họt'e. Sılàı sù ełajde, ìè eda eyıts'ò ìè ıhaà k'àowocho ihè-le. K'àowocho whelì nıde whaà-lea gots'ò zọ k'àowo elì ha họt'e.

<sup>11</sup> Eyì tıts'aàdì nechàa eda ìè hanìkò dı ełajwo sù eyì k'àowocho ek'èdì t'à whedaa elì họt'e. K'àowocho lòhdì gota gots'ò họt'e, hanìkò wedihòè ha họt'e.

<sup>12</sup> “Eyì tıts'aàdì nechàa wedè hòonọ weneezı sù k'àowocho hòonọ gha họt'e. ıhaà dèè ts'ò k'àowo gııl-le. Hanìkò ìè sadzeè gots'ò tıts'aàdì nechàa xè k'àowo gııl ha gıghàhòt'à ha họt'e.

<sup>13</sup> Hazòò gını ìè zọ lagüt'e ha, gıdahxà tıts'aàdì nechàa k'àowo elì agele ha.

<sup>14</sup> Sahzòą ts'ò ełegegọ ha, hanìkò Sahzòą goghòehnè ha. Ededì sù k'àowo hazòò gha K'àowo elì eyıts'ò k'àowocho hazòò gha K'àowocho elì. Eyì Sahzòą wecheekè gıhchì xè weyatı k'ègedì sù wexè agüt'e,” yak'eet'ı hasèhdì.

<sup>15</sup> Eyì tı'axòọ yak'eet'ı sets'ò hadì, “Eyì tı lọ ts'èkoju yek'e whedaa sù dı nèk'e dọ lọ lanì họt'e, dọ lọ xàzaa eyıts'ò yatı hazòò xàzaa gots'ò agüt'e.

<sup>16</sup> Eyì tıts'aàdì nechàa eyıts'ò edè hòonọ weneezı sù eyì ts'èkoju dzagıhwhọ ha. Wekwòọyaà-geleè xè goht'ò dẹ whedaà agele ha. Wekwò geza xè kò t'à gık'eehk'ò ha.

<sup>17</sup> K'àowocho haget'ɿ sɿ Nòhtsɿ hanì goinì whehtsɿ t'à gɿk'èè eghàlageedaà aget'ɿ. Eyɿ tits'aadì nechàa sɿ edet'axòò k'àowo elɿ agele ha. Nòhtsɿ weyatù k'èè agode gots'ò haget'ɿ ha họt'e.

<sup>18</sup> Ts'èkoju weneeɿ sɿ kògodeè Babylon họt'e, eyɿ kògodeè sɿ dɿ nèk'e k'àowocho hazòò ts'ò k'àowo họt'e," yak'eet'ɿ sets'ò hadì.

## 18

### *Kògodeè Babylon hodàèt'ɿ*

<sup>1</sup> Hagòjà t'axòò yak'e gots'ò yak'eet'ɿ eyì-le hodàèhtɿ wègaat'ɿ. K'àowocho nàtsoo elɿ k'èè weghàhòt'ò. Sɿ weghò enìyah xè wek'e saɿdɿ t'à dɿ nèk'e hazòò dzèh agòjà.

<sup>2</sup> Hòt'ò ezeh xè hadì:

“Kògodeè nàt'ɿ! Kògodeè Babylon hodàèt'ɿ. Eyɿ kògodeè gòlaa sɿ ìnìɿ nàdè ajà. Ìnìɿ lò ekò aget'ɿ, t'asì weju k'edèe sɿ hazòò ekò aget'ɿ.

<sup>3</sup> Dò hazòò xàzaa eyɿ ts'èkoju wets'ò jìetì giadó xè wenàowojù k'èè eghàlagɿdà. Dɿ nèk'e ts'ò k'àowocho gɿxè hoɿù hogèhtsɿ eyits'ò dɿ nèk'e ts'ò k'aàwɿ yets'ò t'asì wèdaat'ɿ t'à ahxe gehlè,” yak'eet'ɿ hadì ezeh.

<sup>4</sup> Eyɿ t'axòò yak'e gots'ò k'achɿ dɿ hats'edɿ eèhkw'o: “Sèot'ɿ, Babylon gots'òò xàehdè. Hanì-ɿdè eyɿ ts'èko wenàowojù k'èè aahda ha nùle eyits'ò wexèht'eè daahza ha nùle.

<sup>5</sup> Shìh nechàa lanì wenàowojù hazòò yak'e ts'ò ełeka dawhela. Eyɿ ts'èko hoìla hòèhtsɿ sɿ Nòhtsɿ yenadi họt'e.

<sup>6</sup> Dànì dò ts'ò eghàlagɿdà sɿ hanì wets'ò eghàlaahda. Dànì eghàlagɿdà k'èxa nàke laàtlòò



wets'ò eghòlaahda. Welibò gots'ò nàekeè wegħa deyaahṭ'ì.

<sup>7</sup> T'asì wèdaat'ì lò xàʔaa wets'ò t'à ahxe k'èè nàdè adìidlà. Eyì t'aànì enìiyah xè ahxe k'èè ìdà xèht'eè daʔa xè wedzeè nàniṭi aweahle. Edeghò xàhòdì gode, edets'ò hadì, 'Ts'èko-k'àowo aht'e t'à daèhchìcho k'e whìhda. Ts'èko wedqò wegà eʔaʔwo aht'e niile eyits'ò sedzeè nàniṭi hòlì ha niile; edets'ò hadì.

<sup>8</sup> Eyì k'èxa ìè dzeè k'e hòtsaa daʔaà awedle ha. Wets'ò dò eʔaàde ha, wedzeè nàniṭi ha eyits'ò wegħa bò whìle agode ha. Kò t'à wek'èek'ò ha, Gonòhtsì t'asì wegħa dii-le sù yesìniyaehṭi ha hòt'e.

<sup>9</sup> “Dii nèk'e k'àowocho yexè hòlì hogèhtsì xè wets'ò t'asì wèdaat'ì lò t'à ahxe gehlèe sù gìghàeda ha hòt'e. Wek'èek'ò ts'ò lò gìghàeda t'à gidzeè nàniṭi xè weghò getse ha hòt'e.

<sup>10</sup> Eyì ts'èkojì sù hòt'ò daʔa t'à k'àowocho sù geejì agede ha. Niwà gots'ò gìghàeda ha, getse xè dii hagedì ha:

'Hoilà hodeè! Heè, kògodeè Babylon weghò enìhòyah ne là! Kògodeè nàtsoo eʔì ìè, hanìkò ìè sadzeè zò t'à wexè hòilà agòjà!' gedì getse ha.

<sup>11</sup> “Dii nèk'e ts'ò k'aàwì gùlì sù t'asì gìghò nàedì-le agòjà t'à kògodeè ghò hòt'ò getse ha.

<sup>12</sup> T'asì dii hanì gìghò nàedì ìè: sòmbaekwo, sòmba degoo, sòmbakwee; eht'ì dètì; jìechochì gots'ò dechìkàà nezì, tìts'aadìcho weghòò t'à t'asì hòèlì, dechìkàà dètì t'à t'asì hòèlì, satsò dekwoo t'à t'asì hòèlì, satsò nedàa t'à t'asì hòèlì eyits'ò kwe wèdaat'ì t'à t'asì hòèlì.

<sup>13</sup> Eyits'ò diits'ia lò xàʔaa, wet'à lò lèkqò dèk'òq

xàʔaa, yìk'eetf'òo, jìetì, tleh wet'à bò xàet'èe, lè nezụ, ejie eyits'ọ sahzọ, ṭḥcho webehcḥḥi xè, eyits'ọ ọ ṣi g̣ḥg̣ḥ nàedi ịlè.

14 “Eyì k'aàwì g̣ḷḷ ṣi ts'èkoj̣i ts'ò ḍi hagedi ha, 'J̣iecho nezà gḥạẉ ịlèe ṣi negḥo while ajà. Eyits'ọ t'aṣi ḍeṭi haẓọ nets'ọ ịlèe ṣi negḥo while ajà, eyì haẓọ naneet'ì ha ṇile,' hagedi ha.

15 Eyì ts'èkoj̣i wets'iḥẓò k'aàwì g̣ḷḷ ṣi t'aṣi ịọ g̣ḥg̣ḥ nàedi t'à ahxe geḥḷ ịlè. Hanìkò ts'èkoj̣i ṣi ḥòt'ò ḍạʔa t'à k'aàwì g̣ḷḷ ṣi ḥòt'ò geej̣i ha. Ṇiwà gots'ọ g̣ḥgḥaeda ha eyits'ọ g̣idzeè t'à g̣ḥgḥa ḍi xè g̣ḥg̣ḥ etse ha.

16 Gezeh xè hagedi ha:

'Hoila hodeè! Heè, ḳògodeè Babylon wegḥo enihoòyah! Eyì ts'èko goht'ọ dek'oo ḍeṭi xè wèdaat'ụ yì wheda ịlè eyits'ọ ṣọmbakweè xè ṣọmbaekwo t'à t'aṣi ḥòèḷ t'à-at'ị ts'iḥẓò wek'e sạide ịlè!

17 Hanìkò ịlè sadzeè ẓọ t'à t'aṣi ḍeṭi haẓọ wediḥḥ, k'aàwì hagedi gezeh ha.

“Elàcho ts'ò k'àowo haẓọ ṭi k'e ts'ò geèḷ ṣi, eyits'ọ ọ haẓọ elàcho yì geèhk'wee ṣi, eyits'ọ elàcho k'ègedi g̣ḷḷ ṣi ṇiwà gots'ọ Babylon gḥàgeeda ha.

18 Eyì ts'èko wek'ee'ò g̣ḥgḥaeda ṇidè ḍi hagedi ha, 'Eyì ḳògodeè wexèht'eè g̣òḷ while,' hagedi ha.

19 Eht'è edekwì k'e ts'ò geehdè xè getse ha, wegḥo g̣idzeè ṇaṇiṭi xè hagedi ha:

'Hoila hodeè! Heè, ḳògodeè Babylon wegḥo enihoòyah ne là! Ọ haẓọ ṭideè k'e elàcho t'à ịhṇọ t'aṣi egḥogeelee ṣi eyì ts'èko wets'ọ t'aṣi t'à ahxe geḥḷ ịlè. Hanìkò ịlè sadzeè ẓọ t'à eyì

ts'èko t'asì wɪzì wets'ò-le awìdlà!' gedì gezeh ha.

<sup>20</sup> 'Naxɪ yak'e dahkw'ee sɪ eyɪ ts'èko wets'ò dānāhòwo ts'ihzò naxɪnā welè. Naxɪ hazòò Nòhtsɪ wets'ò dɔ aahɪ, wecheekeèdeè eyɪts'ò nakwenàòzòò aahɪ sɪ naxɪnā welè! Eyɪ ts'èkojɪ dānì naxɪts'ò eghàlɪdà k'èxa Nòhtsɪ yesɪnɪyaetɪ hɔt'e,' hats'edù hɔt'e.

<sup>21</sup> Eyɪ t'axòò yak'eet'ɪ nàtsoo kwe nechàa behçikè lahcho neyɪchɪ gà teyɪhk'ah, hadɪ, "Kògodeè Babylon weghò enɪyah sɪ dānì hodàèt'ɪ eyɪ lanì hodàgoet'ɪ ha. K'achɪ wenagot'a ha nùle.

<sup>22</sup> Kògodeè ekò enɪht'èjɪ dedɪ ets'ɪkw'o ha-le. Ekò dɔ wɪzì t'ɪk'etɪ eyɪts'ò dechɪshì t'à sɔnàwo ha-le. Dechɪ-eghàlaedaa-dòò, satsò-eghàlaedaa-dòò eyɪts'ò eht'ɪ-gehtsɪ-dòò hanɪ gɪts'eɪ ha-le. Kwe wet'à lè nàts'eèdeè sɪ wenats'ɪkw'o ha-le.

<sup>23</sup> Ekò ek'aèk'ò wɪzì k'achɪ dèk'òò ha-le. Ekò dɔzhì eyɪts'ò ts'èko honìgedè ha-le. Kògodeè Babylon gots'ò k'aàwɪ sɪ dɪ nèk'e gogha dɔ wet'àaàaa deè gɪɪ lè. Eyɪ ts'èkojɪ wet'à dɔ hazòò xà?aa gɪghoyahòt'ò t'à ts'ɪzò geède.

<sup>24</sup> Eyɪ kògodeè sɪ nakwenàòzòò, Nòhtsɪ wets'ò dɔ eyɪts'ò dɔ hazòò èlāgɪdèè sɪ gɪdòò goyɪ wègaat'ɪ hɔt'e,' yak'eet'ɪ hadɪ.

## 19

### *Aleluya!*

<sup>1</sup> Eyɪ t'axòò yak'e gots'ò dɔ lɔ èlèxè gezeh lagodɪ, dɪ hagedɪ,

“Aleluya! Nòhtsɪ ededɪ zɔ dɔ edaxàgole hɔt'e, t'asì wegħa dī-le, eyits'ɔ weghàsɔts'eedi ha hɔt'e.

<sup>2</sup> Dànì dɔ sɪnìyaehtɪ sɪ ehkw'ɪ hɔt'e. Eyɪ ts'èkojɪ dɪ nèk'e dɔ xè hoɬɪ k'èè eghàlajdàa sɪ yesɪnìyaɬtɪ hɔt'e. Nòhtsɪ wecheekeè ɛlàngòɪhdè k'èxa Nòhtsɪ nàɪɪhkwa hɔt'e,” hagedɪ.

<sup>3</sup> K'achɪ gezeh xè dɪ hagedɪ,

“Aleluya! Eyɪ ts'èkojɪ wek'ee'k'ò gots'ɔ ɔ welo wɪle ts'ò ɪdòo deekw'e ha,” gedi.

<sup>4</sup> Qhdah naènɔ-daats'ò-dɪ eyits'ɔ t'asì dɪ godì sɪ Nòhtsɪ daèhchɪcho k'e whedaa sɪ gà nàgògɪhgè eyits'ɔ gɪghàsɔdɪ, hagedɪ, “Amen, Aleluya!” gedi.

<sup>5</sup> Eyɪ daèhchɪcho gots'ɔ dɪ hats'edi hɔt'e:

“Naxɪ hazòò wecheekeè yàahɪ sɪ, naxɪ hazòò wek'èaht'ee sɪ, eyits'ɔ dɔ wet'àaʔàa, wet'àaʔà-le yàahɪ sɪ Gonòhtsɪ weghàsɔahdɪ,” hats'edi hɔt'e.

<sup>6</sup> Eyɪ tɬ'axòò k'achɪ yak'e gots'ɔ dɔ ɪɔ ɛɛxè gezeh lagodɪ, deh nàtsoo sɪ lagodɪ eyits'ɔ hòtɬ'ò eezhɪ sɪ lagodɪ. Gezeh xè dɪ hagedɪ,

“Aleluya! Gonòhtsɪ t'asì wegħa dī-le sɪ ededɪ zɔ t'asì hazòò ts'ò K'àowo hɔt'e!

<sup>7</sup> Goinà xè weghàsɔts'eedi welè! Hòt'a Sahzòà honìda ha nìhòqwo; ts'èko ìhchɪ ha sɪ hòt'a sedìdà hɔt'e.

<sup>8</sup> Ehtɬ'ɪ degoo wèdaat'ɪ yeyɪ wheda ha weghòchɪ hɔt'e,” hagedɪ gezeh.

(Ehtɬ'ɪ degoo wèdaat'ɪ sɪ Nòhtsɪ wets'ɔ dɔ ehkw'ɪ eghàlagɪdà għa hɔt'e.)

<sup>9</sup> Eyɪ tɬ'axòò yak'eet'ɪ sets'ò hadɪ, “Dɪ dek'enìtɬ'è: ‘Amì eyɪ sahzòà honìdza wets'ɔ nàsɪ nàgedè ha gɪxayaetɪ sɪ gɪxè sìghà hɔt'e,’ ” sets'ò

hadı. K'achı sets'ò hadı, “Dı sı xàè Nòhtsı weyatı họt'e,” hadı.

10 Yak'eet'ı̀ hadı t'à wekè gà nàgòhge xè weghàsqehdı ha là, yak'eet'ı̀ sets'ò hadı, “Hawıdele! Nı eyıts'q nèot'ı Zezi wegodı ehkw'ı adı gıwqo sı naxıxèht'eè Nòhtsı wecheekeè aht'e. Nòhtsı weghàsqedı! Nòhtsı wets'q nakwenàozqo hazqo sı Zezi wegodı zq t'à gogede họt'e,” sets'ò hadı.

### *Amı tıcho degoo t'à-at'ı̀ sı*

11 Yak'e enıxànıto wègoèht'ı̀ ekò senadaà tıcho degoo nàwo. Eyı tıcho t'à-at'ı̀ sı dı hawıyeh: “edeyatı k'èdı” eyıts'q “ehkw'ı họt'e” wıyeh. Edeđı sı ehkw'ı dq sınıyahtı eyıts'q nàowo ehkw'ı k'èè egho.

12 Wedaà kò dèk'òq lanı wègaat'ı̀ eyıts'q wekwı k'e sqòmbaekwo kwıt'ı̀ lq whela. Wızi wek'eèht'è, hanıkò dq wızi yek'èezq-le; edeđı zq yek'èezq họt'e.

13 ʔeh nedèe edoò ta adlâa yı wheda eyıts'q wızi “Nòhtsı weyatı” wıyeh.

14 Yak'e gots'q eghoq-dqo gık'èè k'edè. Tıcho degoo t'à-aget'ı̀ eyıts'q zeh degoo wèdaat'ı̀ yı geèhkwe.

15 Eyı dq gık'èè gıadèe sı behcho dènu wewà gots'q xàıza. Yet'à dı nèk'e dq hazqo ghqehné ha. “Eyıts'q satsò-geh t'à dq hazqo ts'ò K'àowo eı ha.” Nòhtsı t'ası wegħa dıı-le sı wek'èch'a t'à, tqhcho yı t'ası whelaa sı tàtsqyeèhze ha.

16 Wezeè nedèe k'e eyıts'q wedzaà k'e wızi dek'eèht'è:

“K'àodèe ts'ò K'àowo, k'àowocho hazqo għa K'àowocho,” dek'eèht'è.

17 Eyi t'axqò sa k'e yak'eet'ì nàwo weehzì. Yat'a t'asì hazqò k'edèe sù ts'ò hòt'ò dù hadì, “Nòhtsì wenàsìdeè gha elèwhahde.

18 K'àowocho gikwò, eghqò-dqò gha k'aodèe gikwò, dqò wet'àazàa gikwò, tìcho eyits'ò dqò gik'eèhkw'ee sù gikwò ghò shèahzhe ha. Dqò edets'ò k'agedèe eyits'ò dqò edets'ò k'agedè-le gikwò eyits'ò dqò wet'àazàa eyits'ò dqò wet'àazà-le gikwò, dqkwò hazqò ghò shèahzhe ha,” yak'eet'ì gòhdi.

19 Eyi t'axqò tìts'aadì nechàa eyits'ò dù nèk'e gots'ò k'àowocho hazqò gits'ò eghqò-dqò xè làà nègùde gìgòèht'ì. Amì eyi tìcho degoo k'e whedaa sù wets'ò eghqò-dqò xè gots'ò elegegò.

20 Hanìkò tìts'aadì nechàa dagiachì eyits'ò wets'ò nakwenàozqò ehkw'ì gode-le sù eyi sù dagiachì. Eyi nakwenàozqò sù tìts'aadì nechàa dahxà eniyyah hòèhtsì t'à dqò lqò tìts'aadì nechàa wùzì gik'e whezqò eyits'ò kwe wek'èè hòèlì ts'ò nàgògùhgèe sù ts'ìzò geèdeè agòòlà. Eyi tìts'aadì nechàa eyits'ò wets'ò nakwenàozqò-ì ìl'aa geeda et'ì, kwe dèk'òq ta ts'ò gogeèhde.

21 Eyi tìcho degoo k'e whedaa sù wewà gots'ò behcho xàzàa t'à k'àowocho eyits'ò gits'ò eghqò-dqò hazqò elàgòìhdè. Yat'a k'edèe sù dqweè k'enìl'aa ts'ò hodàgùde gà gìbò dagoòzqò ts'ò dqkwò ghò shègìazhe.

## 20

### *Ìè-lemì xo*

1 Eyi t'axqò yak'e gots'ò yak'eet'ì hodàetle wègòèht'ì. Ìzhì deè goyì gqòzàa gha ladlì k'èza, eyits'ò satsòt'ì nechàa k'ele.

<sup>2</sup> Eyɪ yak'eet'ɪ̀ tɪts'aàdɪcho dek'oo daachì. Eyɪ tɪts'aàdɪcho sɪ̀ ɪ̀nɛ̃ whaa gots'ò gòochò hɔt'e eyɪts'ò wehɪ̀ hɔt'e. ɪ̀lè-lemì xo gots'ò wek'èhodì ha t'à yak'eet'ɪ̀ dayeèzà.

<sup>3</sup> ɪ̀zhì dèè goyì gòòzàa ekò goyì yɪ̀hxà gà wets'òdaàdò ayɪ̀là. Dò wɪ̀zì yets'ò enìxàechì ha-le ayɪ̀là. Eyɪt'à ɪ̀lè-lemì xo gots'ò eyɪ tɪts'aàdɪcho dek'oo sɪ̀ dò hazòò xàzàa ts'ɪ̀ò geedè agole ha-le. Eyɪ t'axòò nɪ̀dè whaa-lea ts'ò xàetlāà agele ha.

<sup>4</sup> Eyɪ t'axòò daèhchìcho ɪ̀ò wègoèht'ɪ̀, dò sɪ̀nɪ̀yageti ha gɪ̀ghòt'òò sɪ̀ gɪ̀k'e dèhkw'e. Eyɪts'ò dò ɪ̀ò gidàzhi senadaà wègoèht'ɪ̀. Zezì wegodi eyɪts'ò Nòhtsɪ̀ weyatì t'à gogede k'èxa gɪ̀kwì k'egɪ̀hkàa sɪ̀ agɪ̀t'e. Tɪts'aàdɪ nechàa eyɪts'ò kwe wek'èè hòèl ts'ò nàgògɪ̀hgè-le eyɪts'ò gɪ̀ts'abèè eyɪts'ò gɪ̀lā k'e tɪts'aàdɪ nechàa wɪ̀zì dek'eèht'è-le agɪ̀t'e. Eyɪ dò hazòò nagidà, eyɪts'ò ɪ̀lè-lemì xo gots'ò Christ wexè k'aodèe gɪ̀lɪ.

<sup>5</sup> (Dò eyɪ-le eɪ̀ɪ̀dè sɪ̀ ɪ̀lè-lemì xo wek'ehowɪ gots'ò nagidà-le.) Eyɪ sɪ̀ t'akwèlòò dò nagidà agɪ̀t'e.

<sup>6</sup> Eyɪ t'akwèlòò dò nagidàa sɪ̀ degaɪ agɪ̀t'e eyɪts'ò gɪ̀xè sɪ̀ghà agòht'e. K'achì eɪ̀àgɪ̀de ha nɪ̀le, hanìkò Nòhtsɪ̀ wets'ò yahtɪ gɪ̀lɪ ha eyɪts'ò ɪ̀lè-lemì xo gots'ò wexè k'àowo gɪ̀lɪ ha.

### *Wehɪ̀ wegħa hoìla nechà ha*

<sup>7</sup> ɪ̀lè-lemì xo k'ehòqwo nɪ̀dè wehɪ̀ sɪ̀ wedaàniṭò ts'ò xàetlāà agele ha.

<sup>8</sup> Dɪ̀ nèk'e hazòò ts'ò wek'eèhoowo ha, dò hazòò xàzàa goghoyaezà t'à eɪ̀gego għa eɪ̀goowa ha. Eyɪ dò xàzàa agole ha sɪ̀ Gog eyɪts'ò Magog gɪ̀yeh. Tabàa ewaà dàtlòò sɪ̀ dò wexètò hɔt'e.

9 Dọ elèwhedee sì dū nèk'e hazòò ts'ò geède. Kògodeè Nòhtsɪ wets'ò dọ nàgedèe sì, eyi kògodeè Nòhtsɪ yeghòneètòò sì, wemòò nègɪde, hanikò yak'e gots'ò kò hodàetl'i t'à eyi dọ xàzaa hazòò gɪk'enɪk'ò.

10 Eyits'ò wehɪ goghòyaàzòò sì kwe dèk'òò ta ts'ò geèhxà. Ekò tɪts'aadɪ nechàa eyits'ò wets'ò nakwenàozòò ehkw'ɪ gode-le sì ekò gogeèhde ɪlè. Welò while ts'ò dzẹ eyits'ò to hòtl'ò dagɪza ha.

### *Dọ elàidèe sì gɪsɪnyàeti ha*

11 Eyɪ tɪ'axòò dàehchɪcho degoo eyits'ò amɪ yek'e whedaa sì wègoèht'ɪ. Dèe eyits'ò yat'a wech'à kwɪgeèhdeè lagejà, gɪgha gòzò-le t'à.

12 Eyits'ò dọ elàidèe sì gɪgoèht'ɪ. Dọ wet'àazàa eyits'ò dọ wet'àazà-le hazòò eyɪ dàehchɪcho degoo gà nàgeèhza. Enɪhtl'ècho mòhdaa ts'òdaà xàaza wègaat'ɪ, eyits'ò k'achɪ enɪhtl'è ɪlè wets'òdaà xàatò. Eyɪ enɪhtl'è wek'e dọ welò while ts'ò geeda gha gɪzɪ dek'eèhtl'è. T'akwelòò enɪhtl'è whelaa wek'e ayɪ dek'eèhtl'èe sì eyɪ weghàà dọ elàidèe sì gɪsɪnyàeti hòt'e.

13 Tɪcho yɪ ts'ò eyits'ò dọ elàidèe k'èhodɪ gots'ò dọ hazòò elàidèe sì xàgɪde. Dọ hazòò ayɪ hogèhtsɪ sì weghàà gɪsɪnyàeti hòt'e.

14 Eyɪ tɪ'axòò elàats'edee eyits'ò dọ elàidèe k'èhodɪ k'è gòzòò sì kwe dèk'òò ta ts'ò gogeèhde. Eyɪ kwe dèk'òò whehtòò sì nàekeè t'à elàats'ewɪ gha hòt'e.

15 Amɪ eyɪ enɪhtl'è wek'e dọ welò while ts'ò geeda gha gɪzɪ dek'eèhtl'è-le sì kwe dèk'òò ta ts'ò gogeèhde hòt'e.



## 21

### *Kògodeè Jerusalem wegòò*

<sup>1</sup> Eyí t'axòò yak'e wegòò eyíts'ò dèè wegòò wègòèht'ì. T'akwelòò gots'ò yak'e eyíts'ò dèè sì whìle ajà, eyíts'ò tìcho sì whìle ajà.

<sup>2</sup> Yak'e gots'ò Kògodeè Degai ìzhì ajà wègaat'ì. Kògodeè wegòò Jerusalem, Nòhtsì gots'ò ìzhì ajà. Ts'èko dọzhì xè honìda ha goht'ò wèdaat'ì yì wheda lanì eyí kògodeè wèdaat'ì.

<sup>3</sup> Daèhchìcho gots'ò hòt'ò dù hats'edi họt'e, “Jò gots'ò ìdaà Nòhtsì dọ ta nàdè ha t'à wekò dọ nì whezọ ha. Wets'ò dọ gùlì ha, Nòhtsì ededì goxè nàdè ha, eyíts'ò Gonòhtsì elì ha họt'e.

<sup>4</sup> Gonatì hazòò deedi ha. K'achì dọ ełàade ha-le, gidzeè nànutì ha-le, getse ha-le eyíts'ò gikwò eya ha-le, ìnèè dani hòìzàa sì hagòht'e-le agòjà ne t'à,” hats'edi họt'e.

<sup>5</sup> Eyí daèhchìcho k'e whedaa sì hadì, “T'asì hazòò wegòò ahle ha!” eyíts'ò sets'ò hadì, “Eyí hazòò dek'enìt'è, dù yatì sì hotì ehkw'ì họt'e eyíts'ò weghàà aahda ha họt'e.”

<sup>6</sup> Eyíts'ò sets'ò hadì, “Hòt'a enahọt'e. Yatì t'akwelòò aht'e eyíts'ò yatì nọode aht'e; kèhòòwo ts'ò sehòhzọ eyíts'ò nọode ts'ò sehòhzọ. Amì tì ghaewì sì t'asì k'èxa-le tì wet'à ts'eedaa weghàehdì ha.

<sup>7</sup> T'aa hòlì ghọ hoehnèè sì eyí hazòò weghòzhe ha họt'e. Wenòhtsì ehì ha eyíts'ò ededì seza elì ha.

<sup>8</sup> Hanìkò dọ gini nàtso-le sì, dọ ehkw'ì-ahodì gùwọ-le sì, dọjì, dọ ełààgehdee dọò, hòlì k'alagedèe dọò, ìk'òò gùlì, kwe t'à nòhtsìà hòèlì ts'ò yagehtì, eyíts'ò hots'ì-dọò, hazòò kwe dèk'òò

whehtɔq weta ts'ò agedle ha. Nàekeè t'à efaàgede ha," sets'ò hadi.

<sup>9</sup> Yak'eet'jì lòhdì kw'àyìjà yì wet'à hoila dagòòɔq dagiale jìlè sù k'achì geehzì. Yak'eet'jì jìlè sets'ò ajà, hasèhdi, "Sek'èitlà. Eyì ts'èko sahzòq xè honida ha sù weghàidaà anehle ha," sèhdi.

<sup>10</sup> Yedàyeh Nezjì wedahxà yak'eet'jì shìh danjichàa ts'ò naseèhtì. Yak'e gots'q Kògodeè Degai jzhù ts'ò ajà weehzì asjìlà. Kògodeè Jerusalem hɔt'e, Nòhtsì gots'q jzhù ajà.

<sup>11</sup> Nòhtsì wets'q eniyah deè eyì kògodeè k'e sajdì. Sòòmbakweè dètì lanì wèdaat'jì, eyits'q eja sù lanì wenjìdàa xègaat'jì.

<sup>12</sup> Eyì kògodeè wemqò kwjì danjichàa nawheza. Eyì kwjì sù dekòo xè dagòqwà hɔt'e. Eyì kwjì wek'e enìtq hoònq-daats'ò-nàke whela eyits'q yak'eet'jì hoònq-daats'ò-nàke enìtq k'ègedì. Eyì enìtq k'e Israel got'jì gots'q dɔ hoònq-daats'ò-nàke xàzaa gijjì sù gijzi dek'eèht'è.

<sup>13</sup> K'àbatsòò ts'ònèè enìtq tai whela, chjìk'è ts'ònèè enìtq tai whela, sazì ts'ònèè enìtq tai whela eyits'q dàq ts'ònèè enìtq tai whela.

<sup>14</sup> Eyì kògodeè wemqò kwjì danjichàa nìzaa sù wets'q yìet'f'aa hoònq-daats'ò-nàke hɔt'e. Eyì yìet'f'aa whelaa wek'e sahzòq wecheekeèdè hoònq-daats'ò-nàke gijzi dek'eèht'è.

<sup>15</sup> Eyì yak'eet'jì sets'ò godee sù wet'à idzàa sòòmbaekwo t'à hòlèjì k'eza. Eyì wet'à kògodeè wemqò kwjì danjichàa nawheza, enìtq eyits'q kògodeè dàjhchoo sù yexèjìhdzà ha k'eyeza.

<sup>16</sup> Kògodeè wedzì dì gòhì; dàjhdoò sù wexènjìhkò. Yak'eet'jì eyì sòòmbaekwo dechì t'à

kògodeè xè̀ìhdzà ekò ìlè-lemì-daats'ò-sìlàekw'eènq echì haihdo hq̄t'e nq̄ò, eyits'q̄ hanììhkò xè hadagq̄wà hq̄t'e.

17 Kwì danùchàa yexè̀ìhdzà ekò nàkekw'eènq-daats'ò-hoònq-daats'ò-ek'ètai gokè hanììhtq̄ hq̄t'e. Dànì dq̄ t'asì xè̀gìhdzà k'èè yak'eet'ì yexè̀ìhdzà.

18 Eyì kwì danùchàa sì sq̄mbakweè wèdaat'ì t'à hòèlì eyits'q̄ eyì kògodeè sq̄mbaekwo wedeèdlì wek'e saide t'à hòèlì.

19 Eyì kògodeè wemq̄ò kwì danùchàa nìzàa sì wets'q̄ yietf'aa sq̄mbakweè wèdaat'ì hazq̄ò xàzàa t'à hòèlì. T'akweìq̄ò yietf'aa whetq̄ò sì sq̄mbakweè wek'e saidì t'à hòèlì, wek'èè yietf'aa whetq̄ò sì kwe dèhtf'èè t'à hòèlì, tai t'à yietf'aa whetq̄ò sì sq̄mbakweè ìt'ò t'à hòèlì, dì t'à yietf'aa whetq̄ò sì sq̄mbakweè ìt'ò-degoo t'à hòèlì,

20 sìlài t'à yietf'aa whetq̄ò sì sq̄mbakweè dek'o-dezq̄ò t'à hòèlì, ek'ètai t'à yietf'aa whetq̄ò sì sq̄mbakweè ejìedoò t'à hòèlì, lq̄hdì t'à yietf'aa whetq̄ò sì sq̄mbaekwokweè lanì t'à hòèlì, ek'èdì t'à yietf'aa whetq̄ò sì sq̄mbakweè ìt'ò-dèhtf'èè t'à hòèlì, lq̄òtq̄ t'à yietf'aa whetq̄ò sì sq̄mbakweè dekwoò t'à hòèlì, hoònq t'à yietf'aa whetq̄ò sì sq̄mbakweè ìt'ò-dezq̄ò t'à hòèlì, hoònq-daats'ò-ìlè t'à yietf'aa whetq̄ò sì sq̄mbakweè jìek'oò lanì t'à hòèlì, eyits'q̄ hoònq-daats'ò-nàke t'à yietf'aa whetq̄ò sì sq̄mbakweè dèhtf'è-dezq̄ò t'à hòèlì.

21 Enìtq̄ hoònq-daats'ò-nàke sì sq̄mbakweè degoo wèdaat'ì t'à hòèlì, enìtq̄ ìlè zq̄ kò sq̄mbakweè degoo ìlè zq̄ t'à hòèlì. Kògodeè goni tìlì nìzàa sì sq̄mbaekwo deèdlì t'à hòèlì eyits'q̄ eja lanì wenìdàà xè̀gaat'ì.

22 Eyı kògodeè gonı Nòhtsı̀kò-gocho wègaat'ı̀-le, Gonòhtsı̀ t'ası̀ wegħa dı̀-le sı̀ eyıts'ò Sahzòą gogħa Nòhtsı̀kò-gocho lagı̀t'e t'à.

23 Eyı kògodeè sı̀ Nòhtsı̀ wets'ò enı̀yah deè wek'e saı̀dı t'à sa eyıts'ò adzezah wek'e daaṛa-le kò t'asanı̀le. Hazòò ts'ò wek'e dzeh agòht'e eyıts'ò Sahzòą sı̀ gogħa ek'aèk'ò dèk'òò elı̀ lanı̀.

24 Dò hazòò xàṛaa wets'ò dzeh nı̀dı̀ wegħàà k'egedè ha, eyıts'ò dı̀ nèk'e k'àowochò t'ası̀ wèdaat'ı̀ gı̀ts'ò xè eyı̀ nègedè ha.

25 To agode ha nı̀le t'à, eyı̀ kògodeè wets'ò enı̀tò sı̀ eneèdo hòı̀ı̀ ha nı̀le.

26 Dò hazòò xàṛaa deṛòò t'ası̀ gı̀gha wet'àaṛà sı̀ eyı̀ kògodeè ts'ò agele ha.

27 T'ası̀ wejı̀ sı̀ eyı̀ kògodeè ts'ò adle ha-le, eyıts'ò dò wı̀zı̀ hoı̀ı̀ hohtsı̀ xè hots'ı̀ godee sı̀ eyı̀ kògodeè goyaetła ha-le. Dò welò while ts'ò geeda xè Sahzòą wenı̀ht'è k'e gı̀zı̀ dek'eèht'èè sı̀ eyı̀ kògodeè goyagedè ha.

## 22

### *Deh nı̀ṛàa ts'ò tı̀ wet'à ts'eeda*

1 Eyı̀ t'axòò yak'eet'ı̀ı̀ deh nı̀ṛàa ts'ò tı̀ wet'à ts'eedaa sı̀ wegħàehdaà ası̀ı̀là. Eyı̀ tı̀ sı̀ eja lanı̀ wenı̀ı̀dàà xègaat'ı̀ eyıts'ò Nòhtsı̀ wèdaèhchı̀cho gots'ò eyıts'ò Sahzòą sı̀ gots'ò tı̀ nı̀ı̀ı̀ họt'e.

2 Eyı̀ kògodeè tı̀ı̀-deè nı̀ṛàa tanı̀ deh nı̀ı̀ı̀. Eyı̀ deh nı̀ṛàa sı̀ webàa ı̀la-ts'ò ts'ı̀ wet'à ts'eedaa nàwheṛa. Eyı̀ ts'ı̀ wek'e xo taàt'eè hoòno-daats'ò-nàkeè wek'e jı̀echo dehshe, sa taàt'eè wek'e jı̀echo dehshe. Eyıts'ò ts'ı̀ wets'ò ı̀t'òą t'à dò hazòò xàṛaa k'aàt'ı̀ı̀ agede għa họt'e.

<sup>3</sup> Ekò dọ wụzị dàza gha wesinỳaeti ha nùle. Nòhtsị eyits'ò Sahzògà gidaèhchìcho eyi kògodeè whezò ha eyits'ò wecheekeè gìgha eghàlaeda ha.

<sup>4</sup> Nòhtsị winì gezi ha eyits'ò gits'abeè k'e wụzì dek'eèhtl'è ha.

<sup>5</sup> To agode ha nùle. Nòhtsị ededì sù gok'e daaza ha ne t'à, dọ wụzì ek'aèk'ò nìwọ ha nùle eyits'ò dọ wụzì sadeè nìwọ ha nùle. Eyits'ò welọ while ts'ò k'àowo gùlì ha.

<sup>6</sup> Yak'eet'ụì sets'ò hadì, “Dù yatì sù hotù ehkw'ì họt'e, eyits'ò weghàà aahda ha họt'e. Nòhtsị sù gots'ò K'àowo họt'e, ededì zọ wedahxà nakwenàozọọ gogede họt'e. Whaà-le-t'ù dàgode ha sù wecheekeè gik'èezò ha nìwọ t'à edeyak'eet'ụì nets'ò yùhà họt'e,” sèhdì.

### *Whaà-le-t'ù Zezi jọ ts'ò ade ha*

<sup>7</sup> “Kexoahdì, hòt'a whaà-le-t'ù jọ ts'ò ahde ha! Dù enìhtl'è k'e godì dek'eèhtl'è sù hòt'a wek'èè agode ha. Amì dù godì wegha ehkw'ì-ahodù sù wexè sìghà họt'e.”

<sup>8</sup> Sù sù John aht'e; eyi weehzi xè weèhk'ò họt'e. T'asì hazò weehzi xè weèhk'ò t'axò yak'eet'ụì eyi hazò weghàehdaà asìlìlì sù weghàsọehdì ha wekè gà nàgòihgè.

<sup>9</sup> Hanìkò sets'ò hadì, “Hawùde-le! Nì eyits'ò nèot'ì nakwenàozọọ gùlì eyits'ò dọ hazò dù enìhtl'è weyatì gìgha ehkw'ì-ahodù sù naxìxèht'è Nòhtsị gha eghàlaehda aht'e. Eyit'à Nòhtsị zọ weghàsọdì!” hasèhdì.

<sup>10</sup> Eyits'ò hasèhdì, “Eyi enìhtl'è k'e ayì dek'eèhtl'è sù hòt'a whaà-le-t'ù wek'èè agode ha ne t'à dọ ch'à wek'èdì-le.

11 Amì ekò-le eghàlaedaa sù k'èdaà hawet'ì; amì hoḥḥ hohtsḥ sù k'èdaà hawet'ì. Amì ehkw'ì eghàlaedaa sù k'èdaà hawet'ì, eyits'ò amì dega k'èè edaa sù k'èdaà hawet'è," hadì.

12 "Kexoahdì, hòt'a whaà-le-t'ì jò ts'ò ahde ha! Ayì dọ ghàehle ha sù edexè k'ehle. Dọ dànì eghàlagùdà k'èxa t'asì gighàehle ha.

13 Yatì t'akwelòò aht'e eyits'ò yatì nọode aht'e; kèhòòwo gots'ò sehòhòò eyits'ò welò ts'ò sehòhòò aht'e.

14 "Amì edezeè nedèe k'enagùhtsoo sù gixè sìghà họt'e. Hanì-ìdè eyì ts'ì wet'à ts'eedaa wejìecho ghò shègezhee gighàhòt'à ha eyits'ò kògodeè wèdaat'ì sù goyagedèe gighàhòt'à ha.

15 Hanìkò hoḥḥ-dòò mọt'a geèhk'w'e ha, ìk'òò-gùḥḥ-dòò, hoḥḥ k'èè dọ k'alagedèe dòò, dọ èlaàgehdee dòò, nòhtsḥ hòèḥḥ ts'ò yagehtì dòò, eyits'ò hogets'ì ghageewì dòò, hazòò mọt'a geèhk'w'e ha.

16 "Sì sù Zezì aht'e. Nòhtsḥ wecheekeè dù godì gits'ò anele gha sets'ò yak'eet'ì nets'ò wuhzà họt'e. K'àowocho David wets'ìhòò-dòò aht'e eyits'ò Dze Wegòò sìyeh," Zezì hadì.

17 Yedayeh Nezì eyits'ò ts'èko honìda ha sù dù hagedì, "Hèzè, gots'ò anede!" gedì. Amì gogeèhk'w'òò sù, "Hèzè, gots'ò anede!" gedì welì. Eyits'ò amì tì ghageewì sù tì wet'à ts'eedaa ts'ò agùde gà t'asì k'èxa-le gùhchì.

18 Kexoahdì! Dọ hazòò dù enìht'è k'e nadaà xàyaetì gùkw'oo sù gits'ò dù haehsì ha: Amì dù enìht'è k'e yatì dek'èèht'èè sù wezòò yatì yeta

ayìlà n̄dè d̄u en̄htl'è k'e hoìla dek'eèhtl'èè s̄i t'à Nòhts̄i n̄àyeekwa ha.

<sup>19</sup> Eyits'ò am̄i d̄u en̄htl'è k'e yatì m̄òhdaa wede ayìlà n̄dè ts'ì wet'à ts'eedaa eyits'ò kògodeè de-gai gots'ò t'as̄i wets'ò ha òlèè s̄i Nòhts̄i yeghò n̄aich̄i ha. Ts'ì wet'à ts'eedaa eyits'ò kògodeè s̄i d̄u en̄htl'è k'e wegodi dek'eèhtl'è h̄ot'e.

<sup>20</sup> Eded̄i d̄u god̄i t'à godee s̄i d̄u had̄i, “Hèzè, whaà-le-t'ìì jò nèehtla ha,” had̄i. Hèzè, gots'ò K'àowo Zezì, gots'ò anede!

<sup>21</sup> Zezì, gots'ò K'àowo, weson̄iwòò s̄i Nòhts̄i wets'ò d̄ò hazòò ḡixè welè. Amen.

**Nòhtsı Nıhtl'è**  
**Dogrib: Dogrib Genesis & New Testament New**  
**Testament & Portions of Old Testament**

copyright © 2009 Canadian Bible Society

Language: Dogrib

Translation by: Canadian Bible Society

**Tłchq Genesis and New Testament**  
**About Tłchq**

Tłchq (Dogrib) is a Na-Dene (Athabaskan) language. It is spoken by the First Nations Tłchq people in the Northwest Territories in Canada. It has the largest number of speakers of any of the Aboriginal language communities in the NWT, and is one of the official languages of the Northwest Territories.

**About This Translation**

This translation includes the book of Genesis and the New Testament in Tłchq. The first edition of the Tłchq New Testament was published in 2003. It was a historic event, as it was the first time in more than a hundred years that a complete New Testament was published for one of the Dene First Nations in the Territories. The first edition was well received and quickly sold out. In the meantime the book of Genesis had been completed. Consequently, the 2008 reprint of the Tłchq New Testament included Genesis.

Though this translation of the New Testament and Genesis took a total of ten years, the people who worked on it built on years of labor invested by the Tłchq people, elders, priests and missionaries, translators, educators, and linguists. The material contained in this book was checked and approved by consultants from Wycliffe Bible Translators and the Canadian Bible Society.

If you are interested in obtaining a printed copy of this Bible, please contact the Canadian Bible Society at <http://www.biblescanada.com>.

**Copyright Information**

Dogrib Genesis and New Testament © 2003, 2008 Canadian Bible Society

The text of the Bible in Tłchq that appears in this electronic format or website is for personal use only.

Up to five hundred (500) verses of the Bible text in any form (written, visual, electronic or audio) may be quoted without permission. The quoted verses may not be more than 50% of a complete book of the Bible, or more than 25% of the total text of the work in which they are quoted. Prior written



permission must be obtained for any other use of the text. Copyright acknowledgement must in all cases appear on the title or copyright page. For more information on copyright conditions or to apply, visit <http://www.biblesociety.ca/copyright>.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 18 Apr 2025 from source files dated 29 Jan 2022

dccb8cb-87c9-5afe-9ac6-f62c4ade3a81